

摘藻堂四庫全書薈要

史部

欽定四庫全書薈要卷七千一百六十九

史部

資治通鑑卷一百八十三 宋 司馬光 撰

胡三省 音註

隋紀七

起柔兆困敦盡疆圉赤  
奮若五月凡一年有奇

煬皇帝下

大業十二年春正月朝集使不至者二十餘郡

漢儀正旦大朝

會諸郡計吏皆覲隋之朝集使亦此類也朝直遙翻下同始議分遣使者十二道發

兵討捕盜賊

使疏吏翻

詔毗陵通守路道德

守式又翻

集十郡

兵數萬人於郡東南起宮苑周圍十二里內為十六離

宮大抵倣東都西苑之制而奇麗過之又欲築宮於會

稽會古外翻會亂不果成三月上巳帝與羣臣飲於西苑

水上命學士杜寶撰水飾圖經采古水事七十二使朝

散大夫黃衮以木為之間以妓航酒船朝直遙翻散悉宣翻間古覓翻

妓渠綺翻航戶郎翻人物自動如生鐘磬箏瑟能成音曲已丑

張金稱陷平恩隋志平恩縣屬武安郡稱尺證翻一朝殺男女萬餘口

又陷武安鉅鹿清河諸縣隋志武安縣屬武安郡鉅鹿縣屬襄國郡清河郡帶清河

縣既郡城堅守則此縣不陷詳考隋志帶郭之清河本武城縣開皇初改名清河而清陽縣則舊清河縣金稱所陷蓋此金稱比諸賊尤殘暴所過民無孑遺也言無單孑也遺餘也

夏四月丁巳大業殿西院火帝以為盜起驚走入西苑匿草間火定乃還還從宣翻又如字帝自八年以後每

夜眠恒驚悸恒戶登翻悸具李翻心動也云有賊令數婦人搖撫乃

得眠癸亥歷山飛別將甄翟兒衆十萬寇太原將即亮翻

甄側隣翻將軍潘長文敗死長知兩翻五月丙戌朔日有食之

既壬午帝於景華宮徵求螢火得數斛夜出遊山放



之光遍巖谷

考異曰吳兢貞觀政要貞觀八年上謂侍臣曰人君之言不可容易隋煬帝幸甘

泉宮怪無螢火勅云捉取少多於宮照夜所司遽遣數千人抹拾送五百輦於宮側小事尚爾況其大乎今從

書 帝問侍臣盜賊左翊衛大將軍宇文述曰漸少帝

曰比從來少幾何對曰不能什一納言蘇威引身隱柱

帝呼前問之對曰臣非所司不委多少

委悉也少詩治翻

但患

漸近帝曰何謂也威曰他日賊據長白山今近在汜水

隋志汜水縣屬滎陽郡舊曰成臯開皇十八年改曰汜水汜音似

且往日租賦丁役今

皆何在豈非其人皆化為盜乎比見奏賊皆不以實

毗比

至遂使失於支計不時翦除又昔在鴈門許罷征遼今

復徵發

復扶又翻

賊何由息帝不悅而罷尋屬五月五日

屬之

欲翻百僚多饋珍玩威獨獻尚書或譖之曰尚書有五子

之歌威意甚不遜

言威以帝逸豫盤遊不知返將至失邦如夏太康也尚而亮翻孔安國曰

以其上古之書謂之尚書

帝益怒頃之帝問威以伐高麗事

麗力知翻

威

欲帝知天下多盜對曰今茲之役願不發兵但赦羣盜

自可得數十萬遣之東征彼喜於免罪爭務立功高麗

可滅

麗力知翻

帝不懌威出御史大夫裴蘊奏曰此大不遜

天下何處有許多賊帝曰老革多姦

蜀志彭萊詆劉備曰老革荒悖注云

老革皮色枯瘁之形萊罵備為老革猶言老兵也帝引此語

以賊脅我欲批其口且

復隱忍

批蒲驚翻又普迷翻復扶又翻

蘊知帝意遣河南白衣張行本

隋志洛州河南郡大業二年移都改曰豫州

奏威昔在高陽典選

謂九年從帝自遼東

還高陽時選宣戀翻

濫授人官畏怯突厥請還京師

事見上卷上年厥九勿翻

帝令案驗獄成下詔數威罪狀

數所具翻

除名為民後月餘

復有奏威與突厥陰圖不軌者

復扶又翻厥九勿翻

事下裴蘊推

之蘊處威死

下遐嫁翻處昌呂翻

威無以自明但推謝而已帝憫

而釋之曰未忍即殺并其子孫三世皆除名 秋七月

壬戌濟景公樊子蓋卒

隋書樊子蓋傳帝以子蓋守東都平立感之功進爵濟公謂其

功濟天下封以嘉名無此郡國也濟讀當如字卒子恤翻

江都新作龍舟成送東

都宇文述勸幸江都右候衛大將軍酒泉趙才諫曰今

百姓疲勞府藏空竭

隋志張掖郡福祿縣舊置酒泉郡藏沮浪翻

盜賊蜂起

禁令不行願陛下還京師安兆庶帝大怒以才屬吏

屬之

欲翻旬日意解乃出之朝臣皆不欲行帝意甚堅無敢諫

者建節尉任宗上書極諫

置建節尉事見上卷上年朝直遙翻下同任音壬上時掌

翻下 即日於朝堂杖殺之甲子帝幸江都命越王侗與

光祿大夫段達太府卿元文都檢校民部尚書韋津右

武衛將軍皇甫無逸右司郎盧楚等總留後事

唐六典曰場帝

三年尚書都司始置左右司郎各一人掌都省之職品

同諸曹郎從五品總留後事者帝出巡幸以後事付留

臺官總之侗它

津孝寬之子也

韋孝寬宇文干城之將

帝以詩留

紅翻又音同

別宮人曰我夢江都好征遼亦偶然奉信郎崔民象以

盜賊充斥於建國門上表諫

隋志帝置謁者臺官尋又置散騎郎二十人從五品

承議郎正六品通直郎從六品各三十人宣德郎正七  
品宣義郎從七品各四十人徵事郎正八品將仕郎從

八品常從郎正九品奉信郎從九品各五  
十人洛都羅城門正南曰建國上時掌翻  
帝大怒先解

其頤然後斬之

說文頤頤也

戊辰馮翊孫華舉兵為盜

隋志

馮翊郡後魏置華州西魏改曰同州帝改為郡

虞世基以盜賊充斥請發兵屯

洛口倉

大業二年置洛口倉

帝曰卿是書生定猶怍怍

怍音匡

戊辰

車駕至鞏勅有司移箕山公路二府於倉內

鞏縣屬河南郡新唐

志河南有府三十九有鞏洛府無箕山公路二府疑移於倉內後遂并為鞏洛府也仍令築城以

備不虞至汜水

汜音似

奉信郎王愛仁復上表請還西京

帝斬之而行至梁郡

帝改宋州為梁郡復扶又翻

郡人邀車駕上書

曰陛下若遂幸江都天下非陛下之有又斬之是時李

子通據海陵左才相掠淮北杜伏威屯六合

隋志六合縣屬江都

郡舊曰尉氏置秦郡後周改郡曰六合開皇初廢郡改尉氏縣為六合縣相息亮翻

衆各數萬帝

遣光祿大夫陳稜將宿衛精兵八千討之往往克捷

將即

亮翻八月乙巳賊帥趙萬海衆數十萬自恒山寇高陽

帝改恒州為恒山郡帥所類翻恒戶登翻

冬十月己丑許恭公宇文述卒

卒子初述子化及智及皆無賴化及事帝於東宮帝寵

昵之

昵尼質翻

及即位以為太僕少卿

少詩照翻

帝幸榆林

三年幸榆

林見一百八十卷

化及智及冒禁與突厥交市帝怒將斬之已

解衣辮髮既而釋之賜述為奴智及弟士及以尚主之

故常輕智及惟化及與之親昵述卒帝復以化及為右

屯衛將軍智及為將作少監

為化及兄弟為逆張本復扶又翻

李密

之亡也往依郝孝德

考異曰韓昱壺闕錄曰大業十一年正月歷亭鎮將王該認形狀獲

李密送宇文述密佯患足疾防守者一日不行一二十里忽至一澗水深岸險密跛足寅緣佯足蹙返撲而墜乃至良久狀若未蘇防守者又無計下取之遂以手中鏑戟引之密以手援戟佯作失勢推戟向水守者以危岸手探不住遂即放却密即得鎗獨守者二人俱斃遂投郝孝德於平原按密楊玄感之黨前已詐亡防者豈



得不加械繫急慢如此今不取

孝德不禮之又入王薄薄亦不之奇也

密困乏至削樹皮而食之匿於淮陽村舍

帝改陳州為淮陽郡

變

姓名聚徒教授郡縣疑而捕之密亡去抵其妹夫雍丘

令丘君明

隋志雍丘縣屬梁郡雍於用翻

君明不敢舍轉寄密於遊俠

王秀才家秀才以女妻之君明從姪懷義告其事

妻七細翻

從才用翻

帝令懷義自齎勅書與梁郡通守楊汪相知

守式又翻

收捕汪遣兵圍秀才宅適值密出外由是獲免君明秀

才皆死韋城程讓為東都灋曹

隋志韋城縣屬東郡開皇六年置劉昫曰隋分

白馬縣置於古城韋氏之國城東都當作東郡帝改滑州為兗州二年改為東郡郡有西曹金戶兵法士等曹

翟義伯翻

坐事當斬獄吏黃君漢奇其驍勇

驍堅堯翻下同

夜中潛

謂讓曰翟法司天時人事抑亦可知豈能守死獄中乎

讓驚喜曰讓圜牢之丞

圖求遠翻

死生唯黃曹主所命君漢

即破械出之讓再拜曰讓蒙再生之恩則幸矣奈黃曹

主何因泣下君漢怒曰本以公為大丈夫可救生民之

命故不顧其死以奉脫奈何反效兒女子涕泣相謝乎

君但努力自免勿憂吾也讓遂亡命於瓦崗為羣盜

瓦崗

在東郡界同郡單雄信

考異曰唐書云雄信曹州人今從河洛記單常演翻

驍健善用

馬槊

驍堅堯翻槊色角翻

聚少年往從之

少詩照翻

離狐徐世勣家於

衛南

離狐漢縣後魏之北濟陰郡也時屬濟陰郡唐中世改曰南華宋白曰離狐縣初置在濮水南常為

神狐所穿穴遂移水北故曰離狐衛南古楚丘也隋開皇置衛南縣屬東郡宋白曰全衛之時此地在此衛之南

也故以名縣

年十七有勇畧說讓曰

說輸為翻

東郡於公與勣皆

為鄉里人多相識不宜侵掠滎陽梁郡汴水所經

帝改鄭州

為滎陽郡宋州為梁郡班志汴水在滎陽西南蓋汴水所起東南入梁郡界汴皮變翻

剽行舟掠

商旅足以自資

剽匹妙翻

讓然之引衆入二郡界掠公私船

資用豐給附者益衆聚徒至萬餘人時又有外黃王當

仁濟陽王伯當韋城周文舉雍丘李公逸等皆擁衆為

盜

外黃濟陽二縣隋志皆屬濟陰郡剽匹妙翻濟子禮翻

李密自雍州亡命往來

諸帥間說以取天下之策

帥所類翻說輸芮翻下同

始皆不信久之

稍以為然相謂曰斯人公卿子弟志氣若是今人人皆

云楊氏將滅李氏將興吾聞王者不死斯人再三獲濟

豈非其人乎由是漸敬密密察諸帥唯翟讓最彊乃因

王伯當以見讓

考異曰隋唐書皆云密歸翟讓其中有知密是玄感亡將潛勸讓害之密懼因

王伯當以策干讓讓始敬焉按密既亡歸羣盜必不隱其姓名誰不知玄感亡將讓得之當用以敵隋何惡於密而害之今不取革命記云密投賊帥郝孝德說之曰若能用法之策河朔可指揮而定孝德曰本緣飢荒求活性命何敢別圖國家若知公在此孝德死亡無日翟讓等徒衆絕多請將兵送公於彼是日孝德以馬一匹自送至河執袂飲酒而別軍中慕從者亦數十人仍遣兵馬將送密於翟讓今從隋書為讓畫策

為于往說諸小盜皆下之讓悅稍親近密與之計事近

偽翻密因說讓曰劉項皆起布衣為帝王今主昏於上民

怨於下銳兵盡於遼東和親絕於突厥厥九方乃巡遊

揚越委棄東都此亦劉項奮起之會也以足下雄才大

畧士馬精銳席卷二京誅滅暴虐隋氏不足亡也

卷讀曰捲

讓謝曰吾儕羣盜旦夕偷生草間

儕士皆翻

君之言者非吾

所及也會有李玄英者自東都逃來經歷諸賊求訪李

密云斯人當代隋家人問其故玄英言比來民間謠歌

比毗至翻

有桃李章曰桃李子皇后繞揚州宛轉花園裏勿

浪語誰道許桃李子謂逃亡者李氏之子也皇與后皆

君也宛轉花園裏謂天子在揚州無還日將轉於溝壑

也莫浪語誰道許者密也既與密遇遂委身事之前宋

城尉齊郡房玄藻自負其才

隋志宋城縣帶梁郡舊曰睢陽開皇十八年更名

恨不為時用預於楊玄感之謀變姓名亡命遇密於梁

宋之間遂與之俱遊漢沔

沔彌充翻

徧入諸賊說其豪傑還

日從者數百人

說式芮翻從才用翻

仍為遊客處於讓營

處昌呂翻

讓

見密為豪傑所歸欲從其計猶豫未決有賈雄者曉陰

陽占候為讓軍師言無不用密深結於雄使之託術數

以說讓雄許諾懷之未發會讓名雄告以密所言問其

可否對曰言不可言又曰公自立恐未必成若立斯人

事無不濟讓曰如卿言蒲山公當自立何來從我對曰

事有相因所以來者將軍姓翟翟者澤也

翟義伯翻

蒲非澤

不生故須將軍也讓然之與密情好日篤

好呼到翻

密因說

讓曰今四海糜沸

糜粥也言如粥之沸也

不得耕耘公士衆雖多

食無倉廩唯資野掠常苦不給若曠日持久加以大敵

臨之必渙然離散未若先取滎陽休兵館穀

考異曰革命記密說

讓曰洛口倉米逾巨億請公發一札之令使密奉之告諸道英雄就倉食米必雲合響應受命於公然後稱帝號以定中原云云讓曰就倉食米實是上謀自顧庸賤寧敢別創餘心必如此謀願奉公為主密懷懼改容而



拜讓亦拜於是言宴盡歡各恨相知之晚即日讓作書與密散告諸處賊頭並尅期定日令總會洛口倉食米

今從隋書待士馬肥充然後與人爭利讓從之於是破金隄

關金隄關當在滎陽界以漢金隄名之攻滎陽諸縣多下之滎陽太守卬

王慶弘之子也弘高祖從祖弟也封河間王守式又翻下同不能討帝徙張

須陁為滎陽通守以討之庚戌須陁引兵擊讓讓薊數

為須陁所敗數所角翻敗補邁翻聞其來大懼將避之密曰須陁

勇而無謀兵又驟勝既驕且狠可一戰擒也狠戶壑翻公但

列陳以待密保為公破之陳讀曰陣下同為于偽翻下同讓不得已勒

兵將戰密分兵千餘人伏於大海寺北林間須陁素輕讓方陳而前讓與戰不利須陁乘之逐北十餘里密發伏掩之須陁兵敗密與讓及徐世勣王伯當合軍圍之須陁潰圍出左右不能盡出須陁躍馬復入救之來往

數四遂戰死所部兵晝夜號哭數日不止

史言張須陁得士卒心號

戶刀

河南郡縣為之喪氣

為于偽翻  
喪息浪翻

鷹揚郎將河東賈

務本為須陁之副亦被傷帥餘眾五千餘人奔梁郡務

本尋卒

將即亮翻被皮義翻  
帥讀曰率卒子恆翻

詔以光祿大夫裴仁基為

河南討捕大使代領其衆徙鎮虎牢

虎牢即滎陽郡汜水縣使疏吏翻

讓乃令密建牙別統所部號蒲山公營密部分嚴整扶分

問翻凡號令士卒雖盛夏皆如背負霜雪躬服儉素所得

金寶悉頒賜麾下由是人為之用麾下士卒多為讓士

卒所陵辱以威約有素不敢報也讓謂密曰今資糧粗

足粗坐五翻今人多從去聲意欲還向瓦崗公若不往唯公所適讓

從此別矣讓帥輜重東引重直用翻密亦西行至康城說下

數城說輸芮翻大獲資儲讓尋悔復引兵從密復扶又翻鄆陽

賊帥操師乞自稱元興王建元始興

帝改饒州為鄱陽郡操姓也帥所類

翻

考異曰隋帝紀作操天成按唐高祖實錄林士弘

傳大業末與其鄉人操師乞起為羣盜師乞僭號建元

為天成攻陷豫章郡入據之唐書士弘傳操乞師自號

元興王皆無操天成名此賊本一人而隋唐二史各有

名號年紀

攻陷豫章郡

帝改洪州為豫章郡

以其鄉人林士弘為

今參取之

大將軍詔治書侍御史劉子翊將兵討之師乞中流矢

死

治直之翻中竹仲翻

士弘代統其衆與子翊戰於彭蠡湖

禹貢東匯

澤為彭蠡班志豫章郡彭澤縣彭蠡湖在西今在南

康軍城東南西接江州德化縣界周迴四百五十里

子

翊敗死士弘兵大振至十餘萬人十二月壬辰士弘自

稱皇帝國號建元太平

考異曰唐高祖實錄士弘自稱南越王尋僭號建元延

康唐書林士弘傳操師乞攻陷豫章郡而據之以士弘為大將軍師乞既死士弘代董其衆復與劉子翽大戰於彭蠡湖隋師敗績子翽死之士弘大振兵至十餘萬十三年徙據虔州稱帝其國號年名與此同今從隋書

遂取九江臨川南康宜春等郡

帝改江州為九江郡改撫州為臨川郡虔州為

南康郡袁州為宜春郡

豪傑爭殺隋守令以郡縣應之其地北自

九江南及番禺皆為所有

南海郡治番禺隋并為南海縣番禺音愚

詔

以右驍衛將軍唐公李淵為太原留守

帝改并州為太原郡驍堅堯翻

守式又翻

以虎賁郎將王威虎牙郎將高君雅為之副

帝改定官

制十二衛府每衛置護軍四人掌副貳將軍尋改護軍為虎賁郎將正四品而置虎牙郎將六人副焉從四品

將即亮

翻下

將兵討甄翟兒

甄側隣翻

與翟兒遇於雀鼠谷

同賁音奔

隋志西河郡永安縣有雀鼠谷

淵衆纔數千賊圍淵數匝

匝子答翻

李世民

將精兵救之拔淵於萬衆之中會步兵至合擊大破之

考異曰新舊唐書本紀皆云十三年拜太原留守新書仍云擊高陽歷山飛甄翟兒於西河破之今從隋帝

紀

帝踈薄骨肉蔡王智積每不自安及病不呼醫臨

終謂所親曰吾今日始知得保首領沒於地矣張金

稱郝孝德孫宣雅高士達楊公卿等寇掠河北屠陷郡

縣隋將帥敗亡者相繼

將即亮翻  
帥所翻翻

唯虎賁中郎將蒲城

王辯清河郡丞華陰楊善會數有功

按隋官制無中郎將王辯傳辯自鷹

揚郎將遷虎賁郎將中字衍隋志蒲城縣屬馮翊郡數所角翻

善會前後與賊七百餘

戰未嘗負敗帝遣太僕卿楊義臣討張金稱金稱營於

平恩東北

隋志平恩縣屬武安郡

義臣引兵直抵臨清之西據永

濟渠為營

隋志臨清縣屬清河郡劉昫曰臨清漢清泉縣後魏改為臨清永濟渠大業初所開

去

金稱營四十里深溝高壘不與戰金稱日引兵至義臣

營西義臣勒兵擐甲

擐音

約與之戰既而不出日暮金

稱還營明旦復來

復扶又翻下同

如是月餘義臣竟不出金稱

以為怯屢逼其營詈辱之

詈力智翻

義臣乃謂金稱曰汝明

旦來我當必戰金稱易之不復設備

易以鼓翻

義臣簡精騎

二千夜自館陶濟河

隋志館陶縣屬武陽郡此河謂清河也

伺金稱離營

即入擊其累重

離力智翻累力瑞翻重直用翻

金稱聞之引兵還義臣

從後擊之金稱大敗與左右逃於清河之東月餘楊善

會討擒之吏立木於市懸其頭張其手足令仇家割食

之未死間歌謳不輟詔以善會為清河通守

守式又翻

涿



郡通守郭絢

絢許縣翻

將兵萬餘人討高士達士達自以才

畧不及竇建德乃進建德為軍司馬悉以兵授之建德

請士達守輜重自簡精兵七千人拒絢詐為與士達有

隙而叛遣人請降於絢

降戶江翻

願為前驅擊士達以自効

絢信之引兵隨建德至長河

隋志長河郡屬平原郡舊曰廣川仁壽初改名

不

復設備建德襲之殺虜數千人斬絢首獻士達張金稱

餘衆皆歸建德楊義臣乘勝至平原欲入高雞泊討之

建德謂士達曰歷觀隋將

將即亮翻

善用兵者無如義臣今

滅張金稱而來其鋒不可當請引兵避之使其欲戰不

得坐費歲月將士疲倦然後乘間擊之

問古  
覓翻

乃可破也

不然恐非公之敵士達不從留建德守營自帥精兵逆

擊義臣

帥讀  
曰率

戰小勝因縱酒高宴建德聞之曰東海公

未能破敵遽自矜大禍至不久矣後五日義臣大破士

達於陳斬之乘勝逐北趣其營

陳讀曰陣  
趣七喻翻

營中守兵皆

潰建德與百餘騎亡去至饒陽

隋志饒陽縣屬河  
間郡騎奇寄翻

乘其

無備攻陷之收兵得三千餘人義臣既殺士達以為建

德不足憂引去建德還平原收士達散兵收葬死者為

士達發喪軍復大振

為于偽翻士達高德政

考異曰革命記曰高與宗族鳩集離散得

五萬人捺渴於四根柳樹入高雞泊中德政自號東海公以建德為長史俄而德政病死即有高攬脫繼立為東海公建德仍依舊任攬脫領兵劫抄至晏城府為城中兵所射而死賊之異姓皆欲建德為主高氏一族不欲更立別人遂分為兩軍各相猜貳然高氏兵精強建德恐被屠乃詐分為官軍告高氏併力共擊之高氏無疑即合軍共闔兵刃纔交建德自後擊之高氏兵大亂建德兩軍擁掠遣坐簡其驍勇及頭首千餘人殺之遂總統其眾建德自號長樂王冠抄州縣即大業十二年二月也今從隋唐書

自稱將軍先是

羣盜得隋官及士族子弟皆殺之

先悉薦翻

獨建德善遇之

由是隋官稍以城降之聲勢日盛勝兵至十餘萬人

降戶

江翻下同  
勝音升

內史侍郎虞世基以帝惡聞賊盜

惡鳥路翻

諸

將及郡縣有告敗求救者

將即亮翻

世基皆抑損表狀不以

實聞但云鼠竊狗盜郡縣捕逐行當殄盡願陛下勿以

介懷帝良以為然或杖其使者以為妄言由是盜賊徧

海內陷沒郡縣帝皆弗之知也楊義臣破降河北賊數

十萬列狀上聞

所降者皆張金稱高士達之眾  
將即亮翻使疏吏翻上時掌翻

帝歎曰

我初不聞賊頓如此義臣降賊何多也世基對曰小竊

雖多未足為慮義臣克之擁兵不少

少詩治  
翻下同

久在閫外

此最非宜帝曰卿言是也遽追義臣放散其兵賊由是

復盛

復扶  
又翻

治書侍御史韋雲起劾奏世基及御史大夫

裴蘊職典樞要維持內外四方告變不為奏聞

治直之  
翻効戶

梁翻又戶得  
翻為于偽翻

賊數實多裁減言少陛下既聞賊少發兵

不多衆寡懸殊往皆不克故使官軍失利賊黨日滋請

付有司結正其罪大理卿鄭善果奏雲起詆訾名臣

訾  
將

此所言不實非毀朝政妄作威權

朝直  
遙翻

由是左遷雲起

為大理司直

唐六典後魏永安三年御史中尉高穆奏置司直十人視五品隸廷尉位在正監上

不署曹事唯覆理御史劾事北齊及隋因之

帝至江都江淮郡官謁見者

見賢

遍翻專問禮餉豐薄豐則超遷丞守薄則率從停解江都

郡丞王世充獻銅鏡屏風遷通守

守式又翻

歷陽郡丞趙元

楷獻異味遷江都郡丞

帝改和州為歷陽郡趙元楷自小郡丞遷大郡丞

由是

郡縣競務刻剝以充貢獻民外為盜賊所掠內為郡縣

所賦生計無遺加之飢饉無食

無穀曰飢無蔬菓曰饉

民始采樹

皮葉或擣藁為末或煮土而食之諸物皆盡乃自相食

而官食猶充物吏皆畏灋莫敢賑救王世充密為帝簡

閱江淮民間美女獻之由是益有寵河間賊帥格謙

擁衆十餘萬據豆子航

帝改瀛州為河間郡姓苑格姓允格之後帥所類翻航各朗翻

自稱燕王帝命王世充將兵討斬之謙將勃海高開道

帝改滄州為勃海郡燕

因肩翻將即亮翻下同

收其餘衆寇掠燕地軍勢復振

復扶又翻

初帝謀伐高麗

麗力知翻

器械資儲皆積於涿郡涿

郡人物殷阜屯兵數萬又臨朔宮多珍寶諸賊競來侵

掠留守官虎賁郎將趙什住等不能拒唯虎賁郎將雲

陽羅藝獨出戰

守式又翻貢音奔將即亮翻雲陽郡屬京兆郡

前後破賊甚衆

威名日重什住等陰忌之藝將作亂先宣言以激其衆

曰吾輩討賊數有功

數所角翻

城中倉庫山積制在留守之

官而莫肯散施以濟貧乏

施式鼓翻

將何以勸將士衆皆憤

怨軍還郡丞出城候藝藝因執之陳兵而入什住等懼

皆來聽命乃發庫物以賜戰士開倉廩以賑貧乏境內

咸服殺不同已者勃海太守唐禕等數人

守式又翻

威振燕

地柳城懷遠並歸之藝黜柳城太守楊林甫改郡為營



州隋志柳城縣帶遼西郡與襄平郡蓋皆帝所置改郡為州示復開皇之舊也以襄平太守

鄧曷為總管

曷古老翻

藝自稱幽州總管

突厥數寇北邊

厥九勿翻

詔晉陽留守李淵帥太原道兵與馬邑太守王仁

恭擊之

晉陽留守即太原留守也太原有晉陽宮故亦稱晉陽留守帝改朔州為馬邑郡帥讀曰率下

同守式又翻

時突厥方彊兩軍衆不滿五千仁恭患之淵選

善騎射者二千人使之飲食舍止一如突厥或與突厥

遇則伺便擊之前後屢捷突厥頗憚之

前後屢得小捷耳曰頗憚者未

深憚也厥九勿翻騎

奇寄翻伺相吏翻

恭皇帝

諱侑封代王元德太子昭之子煬帝之孫也謚法尊賢讓善曰恭

義寧元年

是年十一月李淵克長安方奉代王即位改元通鑑因以繫年

春正月右禦

衛將軍陳稜討杜伏威伏威帥衆拒之稜閉壁不戰伏

威遺以婦人之服謂之陳姥

遺于李翻姥莫補翻

稜怒出戰伏威

奮擊大破之稜僅以身免

考異曰隋陳稜傳云往往克捷唐杜伏威傳云稜僅以

身免蓋稜先破李子通等後為伏威所敗也今從唐書

伏威乘勝破高郵

隋志高郵縣屬

江都郡

引兵據歷陽自稱總管以輔公柝為長史

柝音石長知兩

翻

分遣諸將徇屬縣所至輒下

特即亮翻

江淮間小盜爭附

之伏威常選敢死之士五千人謂之上募寵遇甚厚有  
攻戰輒令上募先擊之戰罷閱視有傷在背者即殺之  
以其退而被擊故也被皮義翻所獲資財皆以賞軍士有戰  
死者以妻妾徇葬故人自為戰所向無敵 丙辰實建

德為壇於樂壽

隋志樂壽縣屬河間郡古樂城縣仁壽初更名樂音洛下同

自稱長

樂王置百官改元丁丑

考異曰許敬宗太宗實錄舊唐帝紀皆云武德元年二月建

德稱長樂王按建德改元丁丑即是今歲今從隋帝紀及建德傳

辛巳魯郡賊徐圓

朗攻陷東平分兵畧地自琅邪以西北至東平盡有之

煬帝改兗州為魯郡改鄆州為東平郡沂州為琅邪郡邪音耶勝兵二萬餘人勝音升

盧明月轉掠河南至于淮北衆號四十萬自稱無上王

帝命江都通守王世充討之世充與戰於南陽大破之

隋志南陽郡舊置荊州開皇初改鄧州煬帝改為郡守式又翻斬明月餘衆皆散二

月壬午朔方鷹揚郎將梁師都帝改夏州為朔方郡將即亮翻殺郡丞

唐世宗據郡自稱大丞相北連突厥馬邑太守王仁

恭煬帝改朔州為馬邑郡多受貨賂不能振施施式鼓翻郡人劉武周

驍勇喜任俠驍堅堯翻喜許記翻為鷹揚府校尉煬帝改大都督為校尉校戶校

翻

仁恭以其土豪甚親厚之令帥親兵屯閣下

帥讀曰率

武

周與仁恭侍兒私通恐事泄謀作亂先宣言曰今百姓

饑饉僵尸滿道王府君閉倉不賑卹豈為民父母之意

乎

僵居良翻賑津忍翻下同

衆皆憤怒武周稱疾卧家豪傑來候問

武周推牛縱酒因大言曰壯士豈能坐待溝壑今倉粟

爛積誰能與我共取之豪傑皆許諾己丑仁恭坐聽事

聽讀曰廳

武周上謁

上時掌翻

其黨張萬歲等隨入升階斬仁恭

持其首出徇郡中無敢動者於是開倉以賑饑民馳檄

境內屬城皆下之收兵得萬餘人武周自稱太守

守式又翻

考異曰創業注云二月己丑馬邑軍人劉武周殺太

守王仁恭據其郡自稱天子國號定楊按唐書武周據

汾陽宮乃僭

遣使附于突厥

使疏吏翻厥九勿翻

李密說翟讓

號於時未也

曰說式芮翻翟萇伯翻今東都空虛兵不素練越王冲幼留守諸

官政令不壹士民離心段達元文都閭而無謀以僕料

之彼非將軍之敵若將軍能用僕計天下可指麾而定

乃遣其黨裴叔方覘東都虛實

守式又翻令力定翻覘丑廉翻又丑艷翻

留

守官司覺之始為守禦之備且馳表告江都密謂讓曰

事勢如此不可不發兵灋曰先則制於已後則制於人

今百姓饑饉洛口倉多積粟去都百里有餘

都謂東都

將軍

若親帥大衆輕行掩襲

帥讀曰率

彼遠未能救又先無豫備

取之如拾遺耳比其聞知

比必寐翻

吾已獲之發粟以賑窮

乏遠近孰不歸附百萬之衆一朝可集枕威養銳

枕職任翻

以逸待勞縱彼能來吾有備矣然後檄召四方引賢豪

而資計策選驍悍而授兵柄

驍堅亮翻悍戶肝翻又下罕翻

除亡隋之

社稷布將軍之政令豈不盛哉讓曰此英雄之畧非僕

所堪惟君之命盡力從事請君先發僕為後殿

殿丁

庚

寅密讓將精兵七千人

將即亮翻

出陽城北踰方山自羅口

襲興洛倉破之

隋志陽城縣屬河南郡陸渾縣有方山鞏縣有興洛倉魏收地形志鞏縣有長

羅川羅口蓋即長羅川口水經羅水出方山西北流謂之長羅川又西北過訾城東北而入于洛括地志方山在洛州汜水縣東南三十二里汜水所出也

開倉恣民所取老弱襁負道路

相屬

襁居兩翻屬之欲翻

朝散大夫時德叡以尉氏應密

時姓楚大夫申

叔時之後隋志尉氏縣屬潁川郡尉氏漢縣也應劭曰古獄官曰尉氏鄭之別獄也臣瓚曰鄭大夫尉氏之邑

故遂以名邑朝直

前宿城令祖君彥自昌平往歸之

隋志



宿城縣屬東平郡開皇十六年置劉昫曰漢須昌縣故城在今鄆州東南三十二里隋於此置宿城縣昌平縣

隋志屬涿郡

君彥珽之子也

珽他鼎翻

博學強記文辭瞻敏著名

海內吏部侍郎薛道衡嘗薦之於高祖高祖曰是歌殺

斛律明月人兒邪

歌殺斛律光事見一百七十一卷陳高宗太建四年邪音耶

朕不

須此輩煬帝即位尤疾其名依常調選東平書佐檢校

宿城令

隋制州郡皆有書佐在祭酒從事之上視正九品謂之流內視品檢校官未得為真調徒鈞翻

選宣戀翻

君彥自負其才常鬱鬱思亂密素聞其名得之

大喜引為上客軍中書檄一以委之越王侗遣虎賁郎

將劉長恭光祿少卿房翦

同音通貢音奔將即亮翻少始照翻翦士力翻

帥步

騎二萬五千討密

帥讀曰率下同騎奇寄翻

時東都人皆以密為饑

賊盜米烏合易破

易以鼓翻

爭來應募國子三館學士

隋以國子

太學四門為三館

及貴勝親戚皆來從軍器械修整衣服鮮華

旌旗鉦鼓甚盛長恭等當其前使河南討捕大使裴仁

基等將所部兵自汜水西入以掩其後

大使疏吏翻將即亮翻汜音祀

約十一日會于倉城

按考異曰蒲山公傳云尅取二十一日會戰於河洛故曰取其月

十二日會戰按下有庚子則非二十一日也當是十一日

密讓具知其計東都兵先

至士卒未朝食長恭等驅之度洛水陳於石子河西

水經

注洞水出南溪石泉世亦名之為石泉水過鞏東坎  
欲聚西而北入于洛蓋即石子河也陳讀曰陣下同

南

北十餘里密讓選驍雄分為十隊

驍堅  
堯翻

令四隊伏橫嶺

下以待仁基以六隊陳於石子河東長恭等見密兵少

輕之

少詩  
沼翻

讓先接戰不利密帥麾下橫衝之隋兵饑疲

遂大敗長恭等解衣潛竄得免奔還東都士卒死者什

五六越王侗釋長恭等罪慰撫之密讓盡收其輜重器

甲

重直  
用翻

威聲大振讓於是推密為主上密號為魏公

上  
時

掌  
翻 庚子設壇場即位稱元年

考異曰壺關錄云王伯當令密於西垣校射書王

字於堦上如錢約中者為主其次以近遠為拜官高下使賈雄執箭仰天而誓密正中字心遂奉以為主其說鄙陋今不取河洛記云改大業十二年為永平元年今從蒲山公傳及隋唐書大赦其文書行

下

下遐  
稼翻

稱行軍元帥府

帥所類  
翻下同

其魏公府置三司六衛

元帥府置長史以下官屬拜翟讓為上柱國司徒東郡

公

長知兩翻  
後來進封耳

考異曰河洛記云鄧公蓋今從蒲山公傳及隋唐書

亦置長史以

下官減元帥府之半以單雄信為左武侯大將軍

單音善

徐世勣為右武侯大將軍各領所部房彥藻為元帥左

長史東郡邴元真為右長史楊德方為左司馬鄭德韜  
為右司馬祖君彥為記室其餘封拜各有差於是趙魏  
以南江淮以北羣盜莫不響應孟讓郝孝德王德仁

郝呼

各及濟陰房獻伯上谷王君廓長平李士才淮陽魏六

翻

兒李德謙譙郡張遷魏郡李文相譙郡黑社白社濟北  
張青特上洛周比洮胡驢賊等皆歸密

隋志長平郡舊曰建州開皇初

改為澤州煬帝改為郡譙郡後魏置南兖州後周改毫  
州煬帝改為郡改濟州為濟北郡商州為上洛郡黑社  
白社蓋賊之號非人姓名也濟子禮

翻相息亮翻比毗至翻洮土刀翻

密悉拜官爵使各

領其衆置百營簿以領之道路降者不絕如流

降戶衆

至數十萬

考異曰二月丙辰密遣其將夜襲倉城二府兵擊退之己未又悉衆來攻而府兵敗遂

入據倉然二府將士猶各固小倉城二十餘日不下既而外救不至食又盡城乃陷沒死者大半於是鞏縣長柴孝和監察御史鄭頤等舉縣降賊密開倉招納降者日數百千人於是趙魏以南江淮以北莫不歸附自是賊徒滋蔓矣壬子遣劉長恭房翦等統兵東討大敗戊午還都王慰撫不責也於是發教募士庶商旅奴等分置營壁各立將帥統領而固守其諸里居民皆移入三城之內於省寺府舍安置焉又使宋遵貴將兵鎮陝縣太原倉雜記密稱魏公改年于時倉猶自固守既而密遣翟讓將兵夜襲倉城官軍擊退之明日又引衆攻倉連戰三日陷外城官軍猶捉于城月餘外軍不至城盡陷沒死者十六七按二月壬午朔無丙辰等日今從隋

書乃命其護軍田茂廣築洛口城方四十里而居之

考

異曰壺關錄云周四十八里今從隋書

密遣房彥藻將兵東略地取安陸

汝南淮安濟陽

煬帝改安州為安陸郡隋志汝南郡後魏置豫州帝改洛州為豫州以此為濤

州又改曰蔡州尋改為郡淮安郡後魏置東荊州西魏改為淮州開皇五年又改為顯州煬帝改為郡濟陽縣

屬濟陰郡濟子禮翻

河南郡縣多陷於密

鴈門郡丞河東陳孝

意與虎賁郎將王智辯共討劉武周圍其桑乾鎮

桑乾漢縣

後魏為桑乾郡後周廢隋以為鎮在馬邑郡義陽縣界賁音奔將即亮翻乾音干

壬寅武周與

突厥合兵擊智辯殺之孝意奔還鴈門三月丁卯武周

襲破樓煩郡進取汾陽宮獲隋宮人以賂突厥始畢可

汗

厥九勿翻可從刊入聲汗音寒

始畢以馬報之兵勢益振又攻陷定

襄

煬帝改雲州為定襄郡

突厥立武周為定楊可汗

言將使之定楊州也考

異曰新舊唐書武周皆無國號

遺以狼頭纛

隋書曰突厥本狼種

惟創業起居注云國號定楊

牙門建狼頭纛示不忘本也遺于李翻

武周即皇帝位立妻沮氏為皇后

沮子余翻

改元天興以衛士楊伏念為尚書左僕射妹婿同

縣苑君璋為內史令武周引兵圍鴈門陳孝意悉力拒

守乘間出擊武周屢破之

間古覓翻下同

既而外無救援遣間



使詣江都皆不報

使疏  
吏翻

孝意誓以必死旦夕向詔敕庫

俯伏流涕悲動左右圍城百餘日食盡校尉張倫殺孝

意以降

校戶教翻  
降戶江翻

梁師都略定雕陰弘化延安等郡

隋志雕陰郡西魏置綏州大業初改為  
上郡尋改為雕陰郡改慶州為弘化郡

遂即皇帝位國

號梁改元永隆始畢遺以狼頭纛號為大度毗伽可汗

師都乃引突厥居河南之地攻破鹽川郡

隋志鹽川郡  
西魏置西安

州後改為鹽州  
場帝改為郡

左翊衛蒲城郭子和

郭子和蓋衛士  
之屬左翊衛府

者坐事徙榆林會郡中大饑子和潛結敢死士十八人

攻郡門執郡丞王才數以不恤百姓斬之

數所具翻

開倉賑

施自稱永樂王

施式鼓翻  
樂音洛

改元丑平尊其父為太公以

其弟子政為尚書令子端子升為左右僕射有二千餘

騎南連梁師都北附突厥各遣子為質以自固

騎奇寄  
翻厥九

勿翻質  
音致

始畢以劉武周為定楊天子梁師都為解事天

子

解戶  
買翻

子和為平楊天子

平楊猶  
定楊也

子和固辭不敢當乃

更以為屋利設

汾陰薛舉僑居金城

隋志汾陰縣屬  
河東郡煬帝改

蘭州為金城  
郡僑寓也

驍勇絕倫家貲鉅萬交結豪傑雄於西邊

為金城府校尉

新唐志金城郡有府二曰廣武金時隴城校尉其帥驍堅堯翻校戶教翻

右盜起金城令郝瑗

金城縣帶郡郝呼各翻瑗于眷翻

募兵得數千人

使舉將而討之

將即亮翻

夏四月癸未方授甲置酒饗士舉

與其子仁果及同黨十三人於座劫瑗發兵

考異曰唐高祖實

錄先作仁果後作仁杲新舊高祖太宗紀薛舉傳柳芳唐歷柳宗元集皆作仁杲太宗實錄吳兢太宗勲吏革命記焦璐唐朝年代記陳嶽唐統記皆作仁果今醴泉昭陵前有石馬六匹其一銘曰白蹄烏平薛仁果時所乘此最可據今從之

囚郡縣官開倉賑施

賑津忍翻施式智翻

自稱西秦霸

王改元秦興以仁果為齊公少子仁越為晉公招集羣

盜掠官牧馬賊帥宗羅睺帥衆歸之以為義興公

少詩照翻

賊帥所類翻  
睺帥讀曰率

將軍皇甫綰將兵一萬屯枹罕

煬帝改河州為枹罕

郡綰將即亮  
翻枹音膚

舉選精銳二千人襲之岷山羌酋鍾利俗

擁衆二萬歸之

隋志臨洮郡臨洮縣有岷山酋才由翻

舉兵大振更以仁

果為齊王領東道行軍元帥

帥所類翻

仁越為晉王兼河州

刺史

復以枹罕郡為河州

羅睺為興王以副仁果分兵略地取西

平澆河二郡

煬帝改鄯州為西平郡周武帝逐吐谷渾置廓州煬帝改為澆河郡澆古堯翻

未

幾盡有隴西之地衆至十三萬

幾居豈翻

李密以孟讓為

總管齊郡公

考異曰河洛記作孟達今從隋書

己丑夜讓帥步騎二千

入東都外郭

外郭羅郭也帥讀曰率騎奇寄翻

燒掠豐都市比曉而去

比必於是東京居民悉遷入宮城臺省府寺皆滿鞏縣

長柴孝和監察御史鄭頴以城降密

長知兩翻下同頴它鼎翻降戶江翻

下同密以孝和為護軍頴為右長史裴仁基每破賊得軍

資悉以賞士卒監軍御史蕭懷靜不許

監工銜翻

士卒怨之

懷靜又屢求仁基長短劾奏之

劾戶槩翻又戶得翻

倉城之戰仁

基失期不至聞劉長恭等敗懼不敢進屯百花谷

百花谷蓋

在汜水縣西  
鞏縣東南

固壘自守又恐獲罪於朝

朝直遙翻

李密知其

狼狽

集韻狽音貝狼屬生子或欠一足二足相附而行離則踣故狽遽謂之狼狽

使人說之

說輸為翻

啗以厚利

啗徒濫翻

賈務本之子閏甫在軍中

賈務本見上策

陽之戰

勸仁基降密仁基曰如蕭御史何閏甫曰蕭君如

棲上雞若不知機變在明公一刀耳仁基從之遣閏甫

詣密請降密大喜以閏甫為元帥府司兵參軍兼直記

室事使之復命遺仁基書慰納之

遺于李翻

仁基還屯虎牢

蕭懷靜密表其事仁基知之遂殺懷靜帥其眾以虎牢

降密密以仁基為上柱國河東公仁基子行儼驍勇善

戰密密以為上柱國絳郡公

驍堅堯翻下同

密得秦叔寶及東

阿程較金

隋志東阿縣屬濟北郡較五巧翻

皆用為驃騎

驃騎開皇官制也煬帝改

為鷹揚郎將驃匹妙翻騎奇寄翻

選軍中尤驍勇者八千人分隸四驃

騎以自衝號曰內軍常曰此八千人足當百萬較金後

更名知節

更工衡翻

羅士信趙仁基皆帥眾歸密密署為總

管使各統所部癸巳密遣裴仁基孟讓帥二萬餘人襲

回洛東倉破之

新唐志孟州河陽有回洛故城是地得名之由見一百五十八卷梁武帝大同

九  
年  
遂燒天津橋

煬帝使宇文愷營造東都洛水貫都  
有河漢之象因名其橋為天津橋

縱

兵大掠東都出兵擊之仁基等敗走密自帥眾屯回洛

倉東都兵尚二十餘萬人乘城擊柝

柝他  
各翻

晝夜不解甲

密攻偃師金墉皆不克

偃師縣屬河南郡在都城東六十里  
晉金墉城在洛城西北隋

營東都城東去故都十八

乙未還洛口

考異曰畧記  
三月辛未密遣

孟讓將二千餘人夜入都郭燒豐都市比曉而去癸未

密襲據都倉乙亥密部眾入自上春門於宣仁門東街

立柵而住丙寅燒上春門及街南北里門樓火接宣仁

門因逼門為陳與城上弓矢相接而退還倉雜記密遣

格謙將兵燒豐都市三月越王侗教募人捉宮城守固

官賞有差撤天津等諸橋運回洛倉米入城四月密攻



偃師圍金墉東都兵出密還洛口五月裴仁基翻虎牢  
入賊自榮陽以東至陳譙下邳彭城梁郡皆屬密賊衆  
逾盛并家口百萬蒲山公傳三月丁亥密帥衆入自上  
東門攻宣仁門不克丙寅燒上東門而退此三書月日  
交錯皆不可憑

東都城內乏糧而布帛山積至以絹為

今從隋唐書

汲綆

綆古杏翻

然布以爨越王侗使人運回洛倉米入城遣

兵五千屯豐都市五千屯上春門五千屯北邙山為九

營首尾相應以備密丁酉房獻伯陷汝陰

場帝改潁州為汝陰郡

淮陽太守趙陟舉郡降密

守式又翻陟徒

河翻降戶江考異曰隋書作趙佗今

從蒲山公傳

己亥密帥衆三萬復據回洛倉大修營塹以逼

東都

復扶又翻  
塹七艷翻

段達等出兵七萬拒之辛丑戰於倉北

隋兵敗走丁未密使其幕府移檄郡縣數煬帝十罪

數所

具翻

又

且曰罄南山之竹書罪無窮決東海之波流惡

所主翻

難盡祖君彥之辭也越王侗遣太常丞元善達間行賊

中

間古  
覓翻

詣江都奏稱李密有衆百萬圍逼東都據洛口

倉城內無食若陛下速還烏合必散不然者東都決沒

因歔歔嗚咽帝為之改容

歔音虛歔音希又  
許既翻為于偽翻

虞世基進

曰越王年少

少詩  
照翻

此輩誑之

誑居  
况翻

若如所言善達何緣

來至帝乃勃然怒曰善達小人敢廷辱我因使經賊中

向東陽催運

此東陽蓋指婺州東陽郡

善達遂為羣盜所殺是後人

人杜口莫敢以賊聞世基容貌沈審

沈持林翻

言多合意特

為帝所親愛朝臣無與為比親黨憑之鬻官賣獄賄賂

公行其門如市由是朝野共疾怨之

朝直遙翻

內史舍人封

德彝託附世基以世基不閑吏務

閑習也

密為指畫宣行

詔命諂順帝意羣臣表䟽忤旨者皆屏而不奏

為于偽翻忤五

故翻屏必郢翻

鞫獄用灋多峻文深詆論功行賞則抑削就薄

故世基之寵日隆而隋政益壞皆德彞所為也 初唐

公李淵娶於神武肅公竇毅

神武郡名隋志馬邑郡神武縣舊志神武郡

生

四男建成世民玄霸元吉一女適太子千牛備身臨汾

柴紹

隋志東宮左右內率府有千牛備身八人掌執千牛刀以千牛名刀者取其解千牛而芒刃不頓臨

汾縣帶臨汾郡本平陽也開皇初改名

世民聰明勇決識量過人見隋室

方亂陰有安天下之志傾身下士散財結客咸得其歡

心

下遐稼翻

世民娶右驍衛將軍長孫晟之女

驍堅堯翻長知兩翻晟承

正翻右勳衛長孫順德晟之族弟也與右勳侍池陽劉弘

基

隋開皇置親勳武三衛大業初改為親勳武三侍順德蓋開皇中為勳衛弘基則為大業勳侍也三衛三

侍皆分左右劉弘基雍州池陽人隋志雍州有雲陽縣

無池陽舊唐志云貞觀三年改石門為雲陽雲陽為池

陽通鑑據唐書以

唐州縣書之也

皆避遼東之役亡命在晉陽依淵與

世民善左親衛竇琮熾之孫也

竇熾隋初三公

亦亡命在太原

素與世民有隙每以自疑世民加意待之出入卧内琮

意乃安晉陽宮監猗氏裴寂

隋離宮皆置宮監猗氏縣屬河東郡

晉陽令

武功劉文靜

晉陽縣帶太原郡武功縣屬京兆郡

相與同宿見城上烽火

寂歎曰貧賤如此復逢亂離

復扶又翻

將何以自存文靜笑

曰時事可知吾二人相得何憂貧賤文靜見李世民而

異之深自結納謂寂曰此非常人豁達類漢高神武同

魏祖年雖少命世才也

少詩  
照翻

寂初未然之

未知文靜  
之言為是

文

靜坐與李密連昏繫太原獄

繫郡  
獄

世民就省之文靜曰

天下大亂非高光之才不能定也

以漢高祖光武之事  
撻發世民省悉景翻

下世民曰安知其無但人不識耳我來相省非兒女子

之情欲與君議大事也計將安出文靜曰今主上南巡

江淮李密圍逼東都羣盜殆以萬數當此之際有真主

驅駕而用之取天下如反掌耳太原百姓皆避盜入城

文靜為令數年知其豪傑一旦收拾可得十萬人尊公

所將之兵復且數萬

將即亮翻復扶又翻

一言出口誰敢不從以

此乘虛入關號令天下不過半年帝業成矣世民笑曰

君言正合吾意乃陰部署賓客淵不之知也世民恐淵

不從猶豫久之不敢言淵與裴寂有舊每相與宴語或

連日夜文靜欲因寂闕說

闕白也說翰為翻下同

乃引寂與世民

交世民出私錢數百萬使龍山令高斌廉與寂博稍以

輸之

按隋志後齊置龍山縣帶太原郡開皇十年改曰晉陽則此時不復有龍山矣豈斌廉在開皇中嘗

為令史以舊官書之邪對博者不勝者納物與勝者曰輸斌音彬寂大喜由是日從世

民遊情款益狎世民乃以其謀告之寂許諾會突厥寇

馬邑淵遣高君雅將兵與馬邑太守王仁恭并力拒之

仁恭君雅戰不利

按王仁恭是年春已死此必去年史序李淵起兵來歷及之厥九勿翻將

即亮翻守

式又翻

淵恐并獲罪甚憂之世民乘間屏人說淵曰

間古覓翻

屏必郢翻

今主上無道百姓困窮晉陽城外皆為戰場

大人若守小節下有寇盜上有嚴刑危亡無日不若順



民心興義兵轉禍為福此天授之時也淵大驚曰汝安

得為此言吾今執汝以告縣官因取紙筆欲為表世民

徐曰世民觀天時人事如此故敢發言必欲執告不敢

辭死淵曰吾豈忍告汝汝慎勿出口明日世民復說淵

曰今盜賊日繁遍於天下大人受詔討賊賊可盡乎要

之終不免罪且世人皆傳李氏當應圖讖

復扶又翻說式尚翻讖楚

譖故李金才無罪一朝族滅

李渾字金才族滅事見上卷大業十一年

大人

設能盡賊則功高不賞身益危矣唯昨日之言可以救

禍此萬全之策也願大人勿疑淵乃嘆曰吾一夕思汝

言亦大有理今日破家亡軀亦由汝化家為國亦由汝

矣先是裴寂私以晉陽宮人侍淵先悉薦翻淵從寂飲酒酣

寂從容言曰二郎陰養士馬欲舉大事正為寂以宮人

侍公世民第二從千容翻為于偽翻恐事覺并誅為此急計耳衆情已

協公意如何淵曰吾兒誠有此謀事已如此當復奈何

正須從之耳復扶又翻下同帝以淵與王仁恭不能禦寇遣使

者執詣江都此帝謂煬帝使疏吏翻淵大懼世民與寂等復說淵

曰今主昏國亂盡忠無益偏裨失律而罪及明公

說式  
為翻

裨賓  
彌翻

事已迫矣宜早定計且晉陽士馬精彊宮監蓄積

巨萬以茲舉事何患無成代王幼冲關中豪傑並起未  
吐探

知所附公若鼓行而西撫而有之如探囊中之物耳

南翻奈何受單使之囚

使疏吏翻  
下遣使同

坐取夷滅乎淵然之密

部勒將發會帝繼遣使者馳驛赦淵及仁恭使復舊任

考異曰創業注曰隋主遣司直姓名馳驛繫帝而斬  
仁恭帝自以姓名著於圖錄太原王氣所在恐被猜忌  
因而禍及頗有所悔時皇太子在河東獨有秦王侍側  
耳語謂王曰隋歷將盡吾家繼膺符命不早起兵者顧

爾兄弟未集耳今遭美里之厄爾昆季須會孟津之師  
不可從吾同受孥戮家破身亡為英雄笑王泣而啓帝  
曰芒碭山澤是處容人請同漢祖以觀時變帝曰今遇  
時來逢茲錮繫雖觀機變何能為也然天命有在吾應  
會昌未必不以此相啓今吾激厲謹當敬天之誠以卜  
興亡自天祐吾彼馬能害天必亡我何所逃刑乃後數  
日果有詔使馳驛而至釋淵而免仁恭各依舊檢校所  
部案煬帝若有詔斬仁恭則比後使之至仁恭已死矣  
又高祖身為留守且被禁繫亡去何  
之恐此亦非太宗之謀也今皆不取

淵謀亦緩淵之為

河東討捕使也

大業十一年淵為使討捕河東使疏吏翻

請大理司直夏戾

端為副端詳之孫也

梁武帝起兵荆雍夏戾詳佐命夏戶雅翻

善占候及相

人

相息亮翻

謂淵曰今玉牀搖動帝座不安

晉天文志北極五星第二星主

帝座太乙之座謂最赤明者紫宮門內六星曰天牀主  
寢舍解息燕休又大角一星在攝提間大角者天王帝  
座也天官書云大角北三星為帝座主宴飲酬酢也

參墟得歲必有真人起於其

分

左傳參為晉星故以晉陽為參墟得歲謂歲星居參也參所今翻分扶問翻

非公而誰乎

主上猜忍尤忌諸李金才既死公不思變通必為之次

矣淵心然之及留守晉陽鷹揚府司馬太原許世緒

帝煬

制鷹揚府有司馬及兵倉兩司說淵曰公姓在圖錄名應歌謠握五郡

之兵

五郡謂太原鴈門馬邑樓煩西河說式芮翻

當四戰之地舉事則帝業

可成端居則亡不旋踵唯公圖之行軍司鎧文水武士

獲

按士獲傳蓋為行軍府司鎧參軍隋志文水縣屬太原郡舊曰受陽開皇十年改名宋白曰文水縣漢大

陵縣後魏省大陵於今處置受陽縣隋改曰文水獲一號翻

前太子左勳衛唐憲

開皇

之制東宮左右衛率府亦有親勳翊三衛煬帝改親衛為功曹

憲弟儉皆勸淵舉兵儉

說淵曰明公北招戎狄南收豪傑以取天下此湯武之

舉也淵曰湯武非所敢擬在私則圖存在公則拯亂卿

姑自重吾將思之憲邕之孫也

唐邕以彊幹事高齊

時建成元吉

尚在河東

淵留建成護家居河東

故淵遷延未發劉文靜謂裴寂

曰先發制人後發制於人何不早勸唐公舉兵而推遷

不已

推遷言推故遷延也推吐雷翻

且公為宮監而以宮人侍客公死

可爾何誤唐公也寂甚懼屢趣淵起兵

趣讀日促

淵乃使文

靜詐為敕書發太原西河鴈門馬邑民年二十已上五

十已下悉為兵期歲暮集涿郡擊高麗

麗力知翻

由是人情

恟恟思亂者益衆

恟許拱翻

及劉武周據汾陽宮世民言於

淵曰大人為留守而盜賊竊據離宮不早建大計禍今

至矣淵乃集將佐謂之曰

將即亮翻下同

武周據汾陽宮吾輩

不能制罪當族滅若之何王威等皆懼再拜請計淵曰

朝廷用兵動止皆稟節度令賊在數百里內江都在三千里外加以道路險要復有他賊據之

復扶又翻

以嬰城膠

柱之兵當巨猾豕突之勢必不全矣進退維谷何為而可威等皆曰公地兼親賢同國休戚若俟奏報豈及事機要在平賊專之可也淵陽若不得已而從之者曰然

則先當集兵乃命世民與劉文靜長孫順德劉弘基等各募兵遠近赴集旬日間近萬人仍密遣使召建成元吉於河東柴紹於長安

近其靳翻使疏吏翻

王威高君雅見兵大



集疑淵有異志謂武士驍曰順德弘基皆背征三寺所

犯當死

二人避役亡命故曰背征背蒲妹翻

安得將兵欲收按之士驍曰

二人皆唐公客若爾必大致紛紜威等乃止留守司兵

田德平欲勸威等按募人之狀

隋制留守置司功倉戶兵法士曹等書佐守式

又翻士驍曰討捕之兵悉隸唐公威君雅但寄坐耳

言但寄身

於留守坐間也坐徂卧翻

彼何能為德平亦止晉陽鄉長劉世龍

開皇

初置保長黨長鄉長亦此類也長知兩翻

密告淵云威君雅欲因晉祠祈雨

為不利

晉陽有晉王祠

五月癸亥夜淵使世民伏兵於晉陽宮

城之外甲子旦淵與威君雅共坐視事使劉文靜引開

陽府司馬胙城劉政會入立庭中

新唐志太原有府十八開陽其一也隋志

胙城縣屬東郡舊曰東

稱有密狀

言有狀告密

淵目威等取

燕開皇十八年改名

狀視之政會不與曰所告乃副留守事唯唐公得視之

淵陽驚曰豈有是邪視其狀乃云威君雅潛引突厥入

寇

邪音耶厥九勿翻

君雅攘袂大詬曰

詬告候翻罵也

此乃反者欲殺

我耳時世民已布兵塞衢路

塞悉則翻

文靜因與劉弘基長

孫順德等共執威君雅繫獄丙寅突厥數萬衆寇晉陽

輕騎入外郭北門出其東門

騎奇寄翻下同

淵命裴寂等勒兵

為備而悉開諸城門突厥不能測莫敢進眾以為威君

雅實召之也淵於是斬威君雅以徇淵部將王康達將

千餘人出戰皆死城中怙懼

將即亮翻下舉將同怙許拱翻

淵夜遣軍

潛出城旦則張旗鳴鼓自他道來如援軍者突厥終疑

之留城外二日大掠而去

煬帝命監門將軍涇陽龐

玉隋志左右監門府各將軍一人掌宮殿門禁及守衛事涇陽縣屬京兆郡監工衛翻

虎賁郎將

霍世舉將關內兵援東都柴孝和說李密曰

賁音奔將即亮翻說

式芮  
翻

秦地山川之固秦漢所憑以成王業者也今不若

使翟司徒守洛口裴柱國守回洛

翟司徒讓也裴柱國仁基翟萇伯翻

明

公自簡精銳西襲長安既克京邑業固兵彊然後東向

以平河洛傳檄而天下定矣方今隋失其鹿豪傑競逐

不早為之必有先我者

先悉薦翻

悔無及矣密曰此誠上策

吾亦思之久矣但昏主尚存從兵猶衆

從才用翻

我所部皆

山東人見洛陽未下誰肯從我西入諸將出於羣盜留

之各競雌雄如此則大業隳矣孝和曰然則大軍既未

可西上僕請間行觀豐

將即亮翻上時掌翻間古覓翻

密許之孝和與

數十騎至陝縣

隋志陝縣屬河南郡騎奇寄翻陝失冉翻

山賊歸之者萬餘

人時密兵鋒甚銳每入苑與隋兵連戰

苑即大業初所築西苑

會

密為流矢所中尚卧營中丁丑越王侗使段達與龐玉

等夜出兵陳於回洛倉西北

陳讀曰陣

密與裴仁基出戰達

等大破之殺傷太半密乃弃回洛奔洛口

考異曰洛記云四月戊

申段達等帥關內兵陳於倉西倉南密出兵拒戰大破  
兇醜密還固倉五月丁丑達等又出兵陳於倉西倉北  
密又來拒大破之密奔洛口按隋書北史新舊唐書皆  
云密為流矢所中卧營中東都出兵擊之密衆大潰弃

回洛倉奔洛口俱無月日河洛記密軍失利歸於鞏縣  
東都復得回洛倉蒲山公傳曰五月二十八日越王夜  
出師使段達等大戰於倉西北密軍敗績歸於鞏縣亦  
不云密連月再敗也戊申四月二十八日丁丑五月二  
十八日蓋趙毅承蒲山公傳  
誤以密一敗分為二事也 龐玉霍世舉軍於偃師 龐

江翻杜佑曰偃師帝嘗所都古西亳也湯亦都  
之武王伐紂迴師息戎遂名偃師縣屬河南郡 柴孝和

之衆聞密退各散去孝和輕騎歸密楊德方鄭德韜皆

死  
考異曰楊德方壺闕錄作王德仁今從河洛記 密以鄭頊為左司馬  
頊它鼎翻

榮陽鄭乾象為右司馬  
考異曰隋唐書皆作虔象唯壺闕錄作乾象云密殺其兄乾

覆乾覆之子會通後從  
盛彥師殺密今從之 李建成李元吉弃其弟智雲

於河東而去吏執智雲送長安殺之建成元古遇柴紹  
於道與之偕行

資治通鑑卷一百八十三

欽定四庫全書

總校官庶吉士臣侍朝

校對官檢討臣龔大萬

謄錄監生臣李士勲



欽定四庫全書薈要

史部

資治通鑑卷一百八十四  
五



詳校官編修臣汪鏞

欽定四庫全書薈要卷七千一百七十

史部

資治通鑑卷一百八十四 宋 司馬光 撰

胡三省 音註

恭皇帝下

紀八 起疆圉赤奮若六月不滿一年

義寧元年六月己卯李建成等至晉陽 劉文靜勸李

淵與突厥相結

厥九勿翻 考異曰創業注突厥去覘人來報文武入賀帝曰且勿相賀當為

諸君名而使之即自手與突厥書蓋溫大雅欲歸功高祖耳今從唐書劉文靜傳 資其士馬以

益兵勢淵從之自為手啓卑辭厚禮遺始畢可汗

遺于季翻

可從刊入聲汗音寒

考異曰創業注云仍命封題署

云名啓所司請改啓為書帝不許按太宗云太上皇稱

臣於突厥蓋謂此時

但溫大雅諱之耳

云欲大舉義兵遠迎主上復與突

厥和親如開皇之時若能與我俱南願勿侵暴百姓若

但和親坐受寶貨亦唯可汗所擇始畢得啓謂其大臣

曰隋主為人我所知也若迎以來必害唐公而擊我無

疑矣苟唐公自為天子我當不避盛暑以兵馬助之即

命以此意為復書使者七日而返將佐皆喜請從突厥

之言

使疏吏翻將  
即亮翻下同

淵不可裴寂劉文靜皆曰今義兵雖

集而戎馬殊乏胡兵非所須

須者意  
所欲也

而馬不可失若復

稽回

復扶  
又翻

恐其有悔淵曰諸君宜更思其次寂等乃請

尊天子為太上皇立代王為帝以安隋室移檄郡縣改

易旗幟雜用絳白以示突厥

隋色尚赤今用絳而雜之  
以白示若不純於隋幟昌

志翻厥  
九勿翻

淵曰此可謂掩耳盜鐘

此鄙語也言盜鐘者惡  
鐘聲之聞而掩耳盜之

此可以自欺而然逼於時事不得不爾乃許之遣使以

此議告突厥

使疏吏翻  
厥九勿翻

西河郡不從淵命申申淵使建

成世民將兵擊西河

將即亮翻又音如字領也 考異曰創業注云命大郎二郎率衆討

西河高祖太宗實錄但云命太宗徇西河蓋史官沒建成之名耳唐殷峽傳從隱太子攻西河令從創業注

命太原令太原溫大有與之偕行

隋志太原縣舊曰晉陽開皇十年分置太

原縣而改後齊所置龍山縣為晉陽縣二縣並帶太原郡令力正翻

曰吾兒年少

少詩照翻

以

卿參謀軍事事之成敗當以此行卜之時軍士新集咸

未閱習建成世民與之同甘苦遇敵則以身先之

先悉薦翻

近道菜果非買不食軍士有竊之者輒求其主償之亦

不詰竊者

詰去吉翻

軍士及民皆感悅至西河城下民有欲

入城者皆聽其入郡丞高德儒閉城拒守己丑攻拔之

執德儒至軍門世民數之曰汝指野鳥為鸞以欺人主

取高官

事見一百八十二卷大業十一年數所具翻又所主翻

吾興義兵正為誅

佞人耳

偽翻為于

遂斬之自餘不戮一人秋毫無犯各尉撫

使復業

尉與慰同

遠近聞之大悅

義師初起而人心如此固可以取天下矣

建成

等引兵還晉陽往返凡九日

還從宣翻又音如字

淵喜曰以此行

兵雖橫行天下可也

言世民行兵有紀律也

遂定入關之計淵開

倉以賑貧民

賑津忍翻

應募者日益多淵命為三軍分左右

通謂之義士裴寂等上淵號為大將軍

上時掌翻

癸巳建大

將軍府以寂為長史

長知兩翻

劉文靜為司馬唐儉及前長

安尉溫大雅為記室大雅仍與弟大有共掌機密武士

護為鎧曹劉政會及武城崔善為太原張道源為戶曹

晉陽長上邽姜謩為司功參軍太谷長殷開山為府掾

此唐公開大將軍府署置官屬參用隋親王府大將軍府州郡官屬之制也隋制唯親王有掾有屬有記室大將軍府有鎧曹州郡有戶曹皆行參軍也煬帝改州為郡郡置諸司書佐而書佐即參軍之職行書佐即行參軍之職也隋志武城縣屬清河郡上邽縣帶天水郡太谷縣屬太原郡舊曰陽邑開皇十八年改名護一號翻

鎧可亥翻 蓐與謨同  
長知兩翻 據以絹翻

長孫順德劉弘基竇琮及鷹揚郎

將高平王長諧天水姜寶誼陽屯為左右統軍

高平縣後魏置

高平郡隋已改為平高縣煬帝改秦州為天水郡  
因古郡名也統軍後魏所置將即亮翻 統他綜翻

自餘

文武隨才授任又以世子建成為隴西公左領軍大都

督左三統軍隸焉世民為敦煌公

敦大

右領軍大都督

右三統軍隸焉各置官屬以柴紹為右領軍府長史

此左

右領軍以總領左右軍而名非取  
隋十二衛左右領軍之職而名也  
諮議譙人劉瞻領西

河通守

此大將軍府諮議參軍也譙縣屬譙郡瞻而艷翻守式又翻

道源名河開山



名嶠皆以字行開山不害之孫也

殷不害以孝行聞於陳隋之間

李

密復帥衆向東都

復扶又翻下同帥讀曰率

丙申大戰于平樂園

此蓋

即漢魏平樂觀之地為園也然漢魏平樂觀在洛城西隋既遷營新都則平樂園當在都城東樂音洛

密

左騎右步

騎奇寄翻

中列彊弩鳴千鼓以衝之東都兵大敗

密復取回洛倉

突厥遣其柱國康鞘利等

厥九勿翻鞘所交翻

送馬千匹詣李淵為互市許發兵送淵入關多少隨所

欲

少詩治翻下同

丁酉淵引見康鞘利等受可汗書禮容盡恭

可從刊入聲汗音寒

贈遺康鞘利等甚厚擇其馬之善者止市其

半義士請以私錢市其餘淵曰虜饒馬而貪利其來將  
不已恐汝不能市也吾所以少取者示貧且不以為急  
故也當為汝賞之

為于偽翻賞  
時制翻賒也

不足為汝費乙巳靈壽

賊帥郝士陵

隋志靈壽縣屬恒山郡  
帥所類翻郝丑之翻

帥眾數千降於淵

淵以為鎮東將軍燕郡公

帥讀曰率降戶  
江翻燕因有翻

仍置鎮東府

補僚屬以招撫山東郡縣已巳康鞘利北還淵命劉文

靜使於突厥以請兵

使疏吏  
翻下同

私謂文靜曰胡騎入中國

生民之大蠹也

騎奇  
寄翻

吾所以欲得之者恐劉武周引之

共為邊患又胡馬行牧不費芻粟聊欲藉之以為聲勢

耳數百人之外無所用之

觀唐公之言豈若肅代及石晉之君所為哉

秋

七月煬帝遣江都通守王世充將江淮勁卒將軍王隆

帥卽黃蠻

按唐書卽部有烏蠻白蠻又謂羣蠻種類多不可記意必有黃蠻也守式又翻下同充將

卽亮翻又音如字領也帥讀曰率下同卽渠容翻

河北大使太常少卿韋霽河

南大使虎牙郎將王辯等

二人蓋皆討捕大使也使疏吏翻少詩照翻將卽亮翻下

同各帥所領同赴東都相知討李密

帥讀曰率考異曰雜記四月世充

帥淮南兵萬人援東都世充行至彭城懼密衆之盛自以兵少不敵乃間行自黎陽濟河而至七月世充帥留

守兵二萬擊密無功  
今從略記蒲山公傳

霽世康之子也

韋世康開皇四大總管之一

壬子李淵以子元吉為太原太守留守晉陽宮後事悉

以委之

守式又翻

癸丑淵帥甲士三萬發晉陽立軍門誓衆

并移檄郡縣諭以尊立代王之意西突厥阿史那大奈

亦帥其衆以從

大業八年分大奈之衆居樓煩故令亦從淵帥讀曰率厥九勿翻從才用翻

甲寅遣通議大夫張綸將兵徇稽胡

稽胡部落居邠石間

丙辰淵

至西河慰勞吏民

勞力到翻

賑贍窮乏民年七十以上皆除

散官

朝議等八郎武騎等八尉皆散官也賑津忍翻贍而艷翻散悉宜翻

其餘豪俊隨才

授任口詢功能手注官秩一日除千餘人受官皆不取

告身

唐志補官者皆給以符謂之告身猶今言付身也

各分淵所書官名而去

淵入雀鼠谷壬戌軍賈胡堡

賈胡堡在霍邑西北括地志汾州靈石縣有賈胡堡

賈音古

去霍邑五十餘里代王侑遣虎牙郎將宋老生帥

精兵二萬屯霍邑

將即亮翻

左武侯大將軍屈突通屯河東

以拒淵

屈區勿翻

會積雨淵不得進遣府佐沈叔安等將羸

兵還太原更運一月糧

將如字即良翻羸倫為翻還從宣翻又音如字

乙丑張

綸克離石殺太守楊子崇

煬帝改石州為離石郡

劉文靜至突厥

見始畢可汗請兵且與之約

厥九勿翻可從刊入聲汗音寒 考異曰唐劉文靜

傳曰始畢曰唐公起事今欲何為文靜曰皇帝廢冢嫡傳位後主致斯禍亂唐公國之懿戚不忍坐觀成敗故起義軍欲黜不當立者創業起居注先已再遣使至突厥不容始畢方有此問今不取 曰若入長

安民衆土地入唐公金玉繒帛歸突厥

繒慈陵翻 厥九勿翻

始畢

大喜丙寅遣其大臣級失特勒先至淵軍告以兵已上

道

上時掌翻

淵以書招李密

考異曰壺關錄云高祖屯壽陽遣右衛將軍張仁則齎書招

李密蒲山公傳密答書曰使至辱今月十九日書按長歷是月己酉朔十九日丁卯不應己已還至霍邑又發書日不應猶在 密自恃兵彊欲為盟主使祖君彥復書

壽陽今皆不取

曰與兄派流雖異根系本同

唐公出於李虎密出於李弼是異派也然李弼之先

本遼東襄平人李虎祖西涼本隴西成紀人所謂根系但同姓耳

自唯虛薄為四海英

雄共推盟主

唯當作惟惟思也詳見審是

所望左提右挈戮力同心

執子嬰於咸陽

以謂代王

殪商辛於牧野

以謂煬帝殪於計翻

豈不盛

哉且欲使淵以步騎數千自至河內

煬帝改懷州為河內郡騎奇寄翻

面結盟約淵得書笑曰密妄自矜大非折簡可致吾方

有事關中若遽絕之乃是更生一敵不如卑辭推獎以

驕其志使為我塞成臯之道綴東都之兵

塞成臯之道則江都信使

不通綴東都之兵則不得西應長  
安折之舌翻為于偽翻塞悉則翻  
我得專意西征俟關

中平定據險養威徐觀鷸蚌之勢以收漁人之功未為

晚也

戰國策趙且伐燕蘇代為燕說趙惠王曰今者臣來過易水蚌方出曝鷸啄其肉蚌合而捱其啄鷸

曰今日不雨明日不雨即有蚌脯蚌亦謂鷸曰今日不出明日不出必見死鷸漁父見而并獲之今燕趙相持臣恐強秦之為漁父也唐公欲使李密與東都相持而已收漁人之利鷸餘律翻

乃使溫大雅

復書曰吾雖庸劣幸承餘緒出為八使

漢順帝遣八使唐公使山西河

東故云然使疏吏翻下同

入典六屯

隋制六軍十二衛唐公嘗為將軍故云

顛而不扶

通賢所責所以大會義兵和親北狄共匡天下志在尊



隋天生蒸民必有司牧當今為牧非子而誰老夫年逾

知命

孔子曰五十而知天命

願不及此欣戴大弟攀鱗附翼唯弟

早膺圖籙以寧兆民宗盟之長屬籍見容

屬籍宗屬之籍長知兩翻

復封於唐斯榮足矣殫商辛於牧野所不忍言執子嬰

於咸陽未敢聞命汾晉左右尚須安輯盟津之會未暇

卜期

盟讀曰孟

密得書甚喜以示將佐曰唐公見推天下不

足定矣

將即亮翻

自是信使往來不絕雨久不止淵軍中糧

乏劉文靜未返或傳突厥與劉武周乘虛襲晉陽淵召

將佐謀北還

厥九勿翻還從宣翻又音如字

裴寂等皆曰宋老生屈突

通連兵據險未易猝下

屈居勿翻易以鼓翻

李密雖云連和姦謀

難測突厥貪而無信唯利是視武周事胡者也太原一

方都會且義兵家屬在焉不如還救根本更圖後舉李

世民曰今禾菽被野何憂乏糧老生輕躁一戰可擒

被皮

義翻躁則到翻

李密顧戀倉粟未遑遠略武周與突厥外雖相

附內實相猜武周雖遠利太原豈可近忘馬邑本興大

義奮不顧身以救蒼生當先入咸陽號令天下今遇小

敵遽已班師恐從義之徒一朝解體還守太原一城之

地為賊耳

還從宣翻  
又音如字

何以自全李建成亦以為然淵不

聽促令引發世民將復入諫

令力丁翻  
復扶又翻

會日暮淵已寢

世民不得入號哭於外聲聞帳中

號戶刀翻  
聞音問

淵名問之

世民曰今兵以義動進戰則克退還則散衆散於前敵

乘於後死亡無日何得不悲淵乃悟曰軍已發奈何世

民曰右軍嚴而未發

嚴裝也

左軍雖去計亦未遠請自追

之淵笑曰吾之成敗皆在爾知復何言

復扶  
又翻

唯爾所為

世民乃與建成夜追左軍復還

復音如宇 考異曰創業注帝集文武官人及

大郎二郎等而謂之曰以天贊我應無此勢以人事見機而發無有不為借遣吾當突厥武周之地何有不來之理諸公謂云何議者以老生屈突通相去不遠李密謫誑奸謀難測突厥見利而行武周事胡者也太原一都之會義兵家屬在焉愚夫所慮伏聽教旨唐公顧謂大郎二郎曰爾輩何如對曰武周位極而志滿突厥少信而貪利外雖相附內實相猜突厥必欲來利太原寧肯近忘馬邑武周悉其此勢未必同謀同志老生突厥奔競來拒進闕圖南退窮自北還無所入往無所之畏溺先沈近於斯矣今禾菽被野人馬無憂坐即有糧行即得衆李密戀於倉粟未遑遠畧老生輕躁破之不疑定業取威在茲一決諸人保家愛命言不可聽而罷進軍若不殺老生兒等敢以死謝唐公喜曰爾謀得之吾其決矣三占從二何籍與言懦夫之徒幾敗乃公事耳

太宗實錄蓋以為太宗之策無建成名蓋沒之耳據建成同追左軍則建成意亦不欲還也今從創業注

丙

子太原運糧亦至武威鷹揚府司馬李軌

煬帝改涼州為武威

郡各郡置鷹揚府有郎將副郎將長史司馬

家富好任俠

好呼到

薛舉作亂

於金城

是年夏四月薛舉起

軌與同郡曹珍關謹梁碩李贇安修

仁等謀曰

贇於倫翻

薛舉必來侵暴郡官庸怯勢不能禦吾

輩豈可束手并妻孥為人所虜邪

孥音奴邪音耶

不若相與并

力拒之保據河右以待天下之變衆皆以為然欲推一

人為主各相讓莫肯當曹珍曰久聞圖讖李氏當王

楚識

譜 今軌在謀中乃天命也遂相與拜軌奉以為主丙辰

翻 軌令修仁集諸胡

令力丁翻安氏涼州豪望世為民夷所附故使之集諸胡

軌結民

間豪傑共起兵執虎賁郎將謝統師郡丞韋士政

賁音奔將

即亮翻統他綜翻

軌自稱河西大涼王置官屬並擬開皇故事

關謹等欲盡殺隋官分其家貲軌曰諸人既逼以為主

當稟其號令今興義兵以救生民乃殺人取貨此羣盜

耳將何以濟於是以統師為太僕卿士政為太府卿西

突厥闕度設據會寧川

大業八年分闕度設居會寧厥九勿翻

自稱闕可

汗請降於軌

可從刊入聲汗音寒降戶江翻

薛舉自稱秦帝

考異曰唐高祖

實錄武德元年四月辛卯舉稱尊號按今冬舉敗問褚亮曰天子有降事否是則已稱尊號也今從唐書舉傳

立其妻鞠氏為皇后子仁果為皇太子遣仁果將兵圍

天水克之舉自金城徙都之仁果多力善騎射

將即亮翻騎奇

寄翻軍中號萬人敵然性貪而好殺嘗獲庾信子立怒其

不降磔於火上稍割以噉軍士

庾信自梁入關有文名史言薛仁果在兵間不

能收禮文藝名義之士卒以敗亡好呼到翻降戶江翻磔陟格翻噉徒濫翻

及克天水悉召

富人倒懸之以醋灌鼻責其金寶舉每戒之曰汝之才

略足以辦事然苛虐無恩終當覆我國家舉遣晉王仁

越將兵趨劔口至河池郡太守蕭瑀拒却之

劔口劔門關口舉指

授仁越使之趨劔口未至而蕭瑀以河池拒之遂退却將即亮翻下同趨七喻翻又遠須翻瑀音禹守式又翻

又遣其將常仲興濟河擊李軌與軌將李贇戰於昌松

隋志昌松縣屬武威郡

仲興舉軍敗沒軌欲縱遣之贇曰力戰獲

俘復縱以資敵將焉用之不如盡阮之

復扶又翻下同焉於乾翻軌

曰天若祚我當擒其主此屬終為我有若其無成留之

何益乃縱之

李軌不殺隋官縱薛舉兵皆有人君之言其才畧不足以濟則徒言無益也

未



幾攻張掖敦煌西平枹罕皆克之

幾居豈翻敦徒門翻枹音膚

盡有

河西五郡之地

煬帝詔左禦衛大將軍涿郡留守薛

世雄將燕地精兵三萬討李密

燕因有翻

命王世充等諸將

皆受世雄節度所過盜賊隨便誅翦世雄行至河間軍

於七里井

七里井蓋其地去河間七里故名

竇建德士衆惶懼悉拔諸

城南遁聲言還入豆子航

航各朗翻

世雄以為畏已不復設

備建德謀還襲之其處去世雄營百四十里建德帥敢

死士二百八十人先行

帥讀曰率

令餘衆續發建德與其士

衆約曰夜至則擊其營已明則降之

降戶江  
翻下同

未至一里

所天欲明建德惶惑議降會天大霧人咫尺不相辨建

德喜曰天贊我也

贊助也

遂突入其營擊之世雄士卒大

亂皆騰柵走世雄不能禁與左右數十騎遁歸涿郡考

異曰革命紀帝以李密在洛口征遼回日令右翊衛將軍薛世雄於留鎮兵內簡練精銳及幽易驍勇討密經過之處若有草竊隨便誅翦仍令王世充等諸軍並取世雄處分世雄乃自領精兵六萬四月末至河間郡城下作營州縣皆備牛酒軍糧以待薛將軍時建德以無糧食兵士先皆分散餘軍不滿千人在武強縣境收麥充食聞世雄兵至河間惶懼無計問一女巫欲走避之如何巫云不免問欲首如何巫云亦不吉問欲掩其不

備擊之如何巫云今夜天未明到大吉卜時日已午卜處去河間一百四十里建德簡精兵二百八十人先行餘勒續發建德與衆決云夜到即打明即降之吉凶之事在此舉耳遂行去世雄營二里天已屬明又聞吹角聲擬發建德惶惑欲降須臾大霧忽起建德曰此天助我也遂引兵入營攻之兵遂大亂世雄左右先已裝束擬發世雄遂得上馬奔走仍中數槍僅而獲免幽易之士並不欲作留鎮兵先無闕意既不知賊多少悉奔甲奔亡遂使山東賊勢轉盛李密先招慰河北州縣多悉從之世雄慙憤而卒唐竇建德傳云七月世雄討之建德帥敢死士千人襲之世雄以數百騎遁去今從隋薛世雄傳以建德傳革命記參之

慙恚發病

卒

恚於避翻  
卒子恤翻

建德遂圍河間

八月己卯雨霽庚辰李

淵命軍中曝鎧仗行裝

鎧可亥翻

辛巳旦東南由山足細道

趣霍邑

趣七喻翻  
又遠須翻

淵恐宋老生不出李建成李世民曰

老生勇而無謀以輕騎挑之

挑徒了翻

理無不出脫其固守

則誣以貳於我彼恐為左右所奏安敢不出淵曰汝測

之善老生不能逆戰賈胡

謂淵屯賈胡堡時老生不能逆戰賈音古

吾知其

無能為也淵與數百騎先至霍邑城東數里以待步兵

使建成世民將數十騎至城下舉鞭指麾若將圍城之

狀且詬之

騎奇寄翻  
詬苦候翻

老生怒引兵三萬自東門南門分

道而出淵使殷開山趣召後軍

趣讀曰促

後軍至淵欲使軍

士先食而戰世民曰時不可失淵乃與建成陳於城東

世民陳於城南

陳讀曰陣下同

淵建成戰小却世民與軍頭臨

淄段志玄自南原引兵馳下

新唐志曰武德元年改鷹揚郎將曰軍頭蓋起兵之

初已置軍頭也後又改軍頭為驃騎將軍隋志臨淄縣屬北海郡

衝老生陳出其背世

民手殺數十人兩刀皆缺流血滿袖灑之復戰淵兵復

振

復扶又翻

因傳呼曰已獲老生矣老生兵大敗淵兵先趣

其門

趣七喻翻

門閉老生下馬投塹劉弘基就斬之僵尸數

里

塹七艷翻僵居良翻

日已暮淵即命登城時無攻具將士肉薄

而登遂克之淵賞霍邑之功軍吏疑奴應募者不得與  
良人同淵曰矢石之間不辨貴賤論勲之際何有等差  
宜並從本勲授壬午淵引見霍邑吏民勞賞如西河

勞力

到選其丁壯使從軍關中軍士欲歸者並授五品散官

翻場帝置散職九大夫朝請大夫正遣歸

既順其歸志又

五品朝散大夫從五品散悉但翻

以勳關中士民

之或諫以官太濫淵曰隋氏吝惜勲賞此所以失人心  
也奈何效之且收衆以官不勝於用兵乎丙戌淵入臨

汾郡

平陽古郡名後改置唐州後改為晉州開皇初改郡曰平河平陽縣改曰臨汾縣惡平陽之名也大

業初改曰臨汾郡

慰撫如霍邑庚寅宿鼓山

鼓山在絳郡北

絳郡通守

陳叔達拒守

通守式又翻煬帝改絳州為絳郡

辛卯進攻克之叔達陳

高宗之子有才學淵禮而用之癸巳淵至龍門

龍門縣屬河東

郡在郡東北

劉文靜康鞘利以突厥兵五百人馬二千匹來

至淵喜其來緩謂文靜曰吾西行及河突厥始至兵少

馬多皆君將命之功也

厥九勿翻少詩治翻

汾陽薛大鼎說淵

按新

唐書薛大鼎蒲州汾陰人隋唐志亦皆無汾陽縣陽當作陰說式芮翻

請勿攻河東自龍

門直濟河據永豐倉傳檄遠近關中可坐取也淵將從

之諸將請先攻河東乃以大鼎為大將軍府察非掾

非察

掾言使之察奸非若漢刺姦掾也煬帝時左右

河東縣

戶曹任瓌

河東縣帶河東郡舊曰蒲坂開皇十六年改名隋制縣置金戶兵法士等曹佐任音士瓌

古回說淵曰關中豪傑皆企踵以待義兵瓌在馮翊積

年

瓌仁壽中為馮翊韓城尉說式尚翻企去智翻

知其豪傑請往諭之必從風

而靡義師自梁山濟河指韓城逼邵陽

梁山在韓城縣界臨河即左傳

所謂梁山崩者也韓城邵陽二縣皆屬馮翊郡隋所置也杜佑曰同州韓城縣漢為夏陽縣有梁山龍門山宋白曰今韓城縣西南三里有夏陽故城乃韓國故城今縣理南二十五里有少梁故城隋文帝分邵陽故城於



此置韓城縣以古韓城為名郃古沓翻

蕭造文吏必當望塵請服孫華之

徒皆當遠迎然後鼓行而進直據永豐雖未得長安關

中固已定矣淵悅以瓌為銀青光祿大夫

隋制銀青光祿散職從三

品時關中羣盜孫華最彊丙申淵至汾陰以書招之

汾陰

縣屬河東郡

已亥淵進軍壺口

隋志文城郡昌寧縣有壺口山

河濱之民獻

舟者日以百數仍置水軍壬寅孫華自郃陽輕騎渡河

見淵

騎奇寄翻下同

淵握手與坐慰獎之以華為左光祿大夫

武鄉縣公領馮翊太守

隋制散職左光祿正二品馮翊縣後魏曰華陰西魏改曰武鄉

大業初改曰馮翊今以開皇舊縣名封華守式又翻其徒有功者委華以次授官

賞賜甚厚使之先濟繼遣左右統軍王長諧劉弘基及

左領軍長史陳演壽陳演壽建成府元僚長知兩翻金紫光祿大夫史

大奈金紫光祿散職正三品將步騎六千自梁山濟營於河西以

待大軍以任瓌為招慰大使瓌說韓城下之淵謂長諧

曰屈突通精兵不少任音士瓌古回翻使疏吏翻說式為翻少詩治翻相去五

十餘里不敢來戰足明其衆不為之用然通畏罪不敢

不出若自濟河擊卿等則我進攻河東必不能守若全

軍守城則卿等絕其河梁

河梁謂蒲津橋

前扼其喉後拊其背

彼不走必為擒矣

驍果從煬帝在江都者多逃去

堅驍

堯帝患之以問裴矩對曰人情非有匹偶難以久處

處昌

呂請聽軍士於此納室帝從之九月悉召江都境內寡

婦處女集宮下恣將士所取或先與姦者聽自首

處昌呂翻

將即亮

翻

即以配之

武陽郡丞元寶藏以郡降李密

首羊又翻

煬帝改魏州為武陽郡降戶江翻下同

甲寅密以寶藏為上柱國武陽公

寶藏使其客鉅鹿魏徵為啓謝密

隋志鉅鹿縣屬鄉國郡

且請改

武陽為魏州又請帥所部西取魏郡

煬帝改相州為魏郡帥讀曰率南

會諸將取黎陽倉

汲郡黎陽縣有黎陽倉將即亮翻

密喜即以寶藏為

魏州總管召魏徵為元帥府文學參軍掌記室

帥所類翻

徵

少孤貧好讀書有大志

少詩照翻好呼到翻

落拓不事生業始為

道士寶藏名典書記密愛其文辭故名之初貴鄉長弘

農魏德深

隋志貴鄉縣帶武陽郡劉昫曰魏州漢魏郡元城縣之地後魏天平二年分館陶西界於

今州西北三十里古趙城置貴鄉縣後魏建德七年以趙城卑濕西南移三十里就孔思集寺為貴鄉縣大象二年於縣置魏州隋改名武陽郡隋志魏德深本鉅鹿人家弘農隋河南郡陝縣後魏之弘農郡也弘農郡之

弘農縣後魏之西弘農郡也

魏避諱弘作恒長知兩翻 為政清靜不嚴而治

治直吏翻

遼東之役徵稅百端使者旁午責成郡縣民不堪命唯

貴鄉閭里不擾有無相通不竭其力所求皆給元寶藏

受詔捕賊數調器械

數所角翻 調徒釣翻

動以軍法從事其鄰城

營造皆聚於聽事

聽讀曰廳

官吏遞相督責晝夜喧囂猶不

能濟德深聽隨便修營官府寂然恒若無事

恒戶登翻

唯戒

吏以不須過勝餘縣使百姓勞苦然民各自竭心常為

諸縣之最民愛之如父母寶藏深害其能遣將千兵赴

東都

將即亮翻

所領兵聞寶藏降密思其親戚輒出都門東

向慟哭而返或勸之降密皆泣曰我與魏明府同來何

忍弃去河南山東大水餓殍滿野

殍平表翻

煬帝詔開黎陽

倉賑之吏不時給死者日數萬人徐世勣言於李密曰

天下大亂本為饑饉

為于偽翻

今更得黎陽倉大事濟矣密

遣世勣帥麾下五千人自原武濟河

隋志原武縣屬滎陽郡開皇十六年

置帥讀曰率

會元寶藏郝孝德李文相及洹水賊帥張升清

河賊帥趙君德兵襲破黎陽倉據之

隋志洹水縣屬魏郡後周置洹于元

翻又音桓帥所類翻 考異曰河洛記今年四月祖君  
彥徽云又得回洛復取黎陽天下之倉盡非隋有而九  
月魏徵啓方勸取黎陽蓋君彥 開倉恣民就食浹間  
為徵欲虛張聲勢非事實也

得勝兵二十餘萬

決子協翻勝音升 傳勣初得黎陽倉就食者數十萬人

考異曰唐李勣

魏徵高季輔杜正倫郭孝恪皆客游其所一見於衆人  
中即加禮敬引之卧內談謔忘倦按徵為元寶藏作啓  
方謀取黎陽倉高季輔已為汲令杜正倫為羽騎都尉  
郭孝恪先在密所足知此事為虛今不取 余按隋置

羽騎尉

武安永安義陽弋陽齊郡相繼降密

煬帝改洛州為武安

郡黃州為永安郡義陽郡齊梁曰司州後魏曰郢州後  
周改申州大業二年改義州尋改為郡改光州為弋陽

郡改齊州  
為齊郡

竇建德朱粲之徒亦遣使附密

使疏

密以粲

為揚州總管鄧公

以策總管揚州而爵為鄧公也

泰山道士徐洪客獻

書於密以為大衆久聚恐米盡人散師老狀戰難可成

功勸密乘進取之機因士馬之銳沿流東指直向江都

執取獨夫號令天下密壯其言以書招之洪客竟不出

莫知所之

乙卯張綸徇龍泉文成等郡

煬帝改隰州為龍泉郡治

隰川縣漢之蒲子縣也改汾州為文城郡治吉昌縣後魏定陽縣也

皆下之獲文成太守

鄭元璫元璫譯之子也

成隋文帝業者鄭譯也守式又翻璫殊玉翻

屈突

通遣虎牙郎將桑顯和將驍果數千人夜襲王長諧等



營長諧等戰不利

將即亮翻和帥驍果精兵數千夜馳掩襲長諧

考異曰創業注云桑顯

等軍營諧及孫華等奉教備豫故並覺之伺和赴營設伏分擊應時摧散唐高祖本紀云義師不利太宗以遊騎數百掩其後顯和潰散按太宗時未過河西今從高祖實錄及唐史大奈傳孫華史大奈以遊騎自後擊顯和大破之

騎奇寄翻

顯和脫走入城仍自絕

河梁丙辰馮翊太守蕭造降於李淵造脩之子也

梁宜豐侯

循一作脩

戊午淵帥諸軍圍河東

降戶江翻帥讀曰率異曰創業注戊午唐公親

考

率諸軍圍河東郡屈突通不敢出閉門自守城甚高峻不易可攻唐公觀義士等志試遣登之南面千餘人應時而上時值雨甚公命旋師軍人時速上城不時速下公曰屈突宿衛舊人解安陣隊野戰非其所長嬰城善

為捍禦我師常勝入必輕之驍銳先登恐無還路今且示威而已未是攻城之時殺人得城知何所用乃命還唐高祖實錄云驍勇千餘人已登其南城高祖在東原會暴雨高祖鳴角收衆由是不克溫大雅因為虛美耳

今不取

屈突通嬰城自守將佐復推淵領太尉

復扶又翻

增置

官屬淵從之時河東未下三輔豪傑至者日以千數淵

欲引兵西趣長安

趣七喻翻又遠須翻

猶豫未決裴寂曰屈突通

擁大衆憑堅城吾捨之而去若進攻長安不克退為河

東所踵腹背受敵此危道也不若先克河東然後西上

上時掌翻

長安恃通為援通敗長安必破矣李世民曰不然

兵貴神速吾席累勝之威撫歸順之衆鼓行而西長安

之人望風震駭智不及謀勇不及斷

斷丁亂翻

取之若振槁

葉耳若淹留自弊於堅城之下彼得成謀脩備以待我

坐費日月衆心離沮

沮在呂翻

則大事去矣且關中蜂起之

將未有所屬不可不早招懷也

將即亮翻下同

屈突通自守虜

耳不足為慮淵兩從之留諸將圍河東自引軍而西朝

邑法曹武功靳孝謨以蒲津中渾二城降

隋志朝邑縣屬馮翊郡後

魏曰南五泉西魏改焉其地當蒲津橋西唐改為河西縣梁大河為橋故有中渾朝直遙翻靳居岷翻渾徒旱

翻降戶江華陰令李孝常以永豐倉降隋志華陰縣屬京兆郡華戶化

翻下同仍應接河西諸軍孝常圓通之子也李圓通寵任於開皇之初京

兆諸縣亦多遣使請降使疏吏翻王世充韋霽王辯及河

內通守蓋善誼河陽郡尉獨孤武都河陽非郡也隋制舊有兵處州刺史

帶諸軍事以統之煬帝罷州置郡別置都尉領兵與郡相知郡尉當作都尉各帥所領會東

都帥讀曰唯王隆後期不至王隆帥印黃蠻者也已未越王侗使

虎賁郎將劉長恭等帥留守兵龐玉等帥偃師兵與世

充等合十餘萬衆擊李密於洛口賁音奔守式又翻帥讀曰率考異曰畧

記作乙丑河洛記作十二日蒲山公傳九月十一日師出東都按長歷是月己酉朔乙丑十七日也今從蒲山

公與密夾洛水相守煬帝詔諸軍皆受世充節度

考異曰

畧記云世充擊密罔不摧破露布相續而來百姓忻忻歡詠於道蒲山公傳云自秋徂冬凡經三十餘戰世充多敗績河洛記云四十餘戰世充無功三書相違莫知孰是今皆不取唯勝負有顯狀者存之帝遣攝

江都郡丞馮慈明向東都為密所獲密素聞其名

慈明事煬

帝於并省歷位于朝其名夙著延坐勞問

勞力到翻

禮意甚厚因謂曰隋祚

已盡公能與孤立大功乎慈明曰公家歷事先朝

朝直遙翻

榮祿兼備不能善守門閤乃與玄感舉兵偶脫罔羅得

有今日唯圖反噬未諭高旨莽卓敦立

王莽董卓王敦桓立

非不

彊盛一朝夷滅罪及祖宗僕死而後已不敢聞命密怒

囚之慈明說防人席務本

說翰為翻

使亡走奉表江都及致

書東都論賊形勢至雍丘為密將李公逸所獲

將即亮翻下同

密又義而釋之出至營門翟讓殺之慈明子琮之子也

馮子琮事高齊死於琅邪王儼之難

密之克洛口也

是年二月密克洛口

箕山府郎

將張季珣固守不下

大業十二年移箕山公路二府守洛口倉

密以其寡弱

遣人呼之季珣罵密極口密怒遣兵攻之不能克時密

衆數十萬在其城下季珣四面阻絕所領不過數百人

而執志彌固誓以必死久之糧盡水竭

城在原上汲道不通故水竭

士卒羸病

羸倫為翻

季珣撫循之一無離叛自三月至于是

月城遂陷季珣見密不肯拜曰天子爪牙何容拜賊密

猶欲降之誘諭終不屈乃殺之

降戶江翻書季珣傳云密攻之經

考異曰隋

三年遂為所陷又云密壯而釋之翟讓從求金不得遂殺之河洛記曰自三月至九月不下後為糧盡水竭乃被推陷生獲珣於牙門遣人宣之以降為度珣更張目極罵不肯低屈遂殺之按密明年已降唐安得三年攻守箕山之事今參取二

季珣祥之子也

漢王諒舉兵張祥守井陘不下

庚申李淵帥諸軍濟河

帥讀曰率下同

甲子至朝邑舍於長

春宮

隋志朝邑縣有長春宮

關中士民歸之者如市丙寅淵遣世

子建成司馬劉文靜帥王長諧等諸軍數萬人屯永豐

倉守潼關以備東方兵慰撫使竇軌等受其節度敦煌

公世民帥劉弘基等諸軍數萬人徇渭北慰撫使殷開

山等受其節度軌琮之兄也冠氏長于志寧安養尉顏

師古

冠氏春秋邑名隋分館陶東界置冠氏縣屬武陽郡安養縣屬襄陽郡劉昫曰漢鄧城古樊城也宋

改安養縣後周廢山都樊城二縣入馬使疏吏敦徒門翻

及世民弟兄長孫無忌



謁見淵於長春宮

兄長知兩翻見賢通翻

師古名籀以字行

籀直又翻

志寧宣敏之兄子

子宣敏見一百七十五卷陳宣帝太建十三年

師古之推之

孫也

顏之推見一百七十三卷陳宣帝大建九年

皆以文學知名無忌仍有

才畧淵皆禮而用之以志寧為記室師古為朝散大夫

無忌為渭北行軍典籤

朝散大夫隋散職從五品自親王府至州郡皆有典籤朝直遥

翻

屈突通聞淵西入署鷹揚郎將湯陰堯君素領河東

通守

隋志湯陰縣屬汲郡

使守蒲坂

隋河東郡治河東縣古蒲坂也坂音反

自引兵

數萬趣長安

趣七喻翻闕趨藍田赴長安

疑其太迂今但云趨長

安為劉文靜所遏將軍劉綱戍潼關屯都尉南城

隋潼關有

守兵故通欲往依之王長諧先引兵襲斬綱據城以拒

通通退保北城淵遣其將呂紹宗等攻河東不能克

將即

亮柴紹之自長安赴太原也

是年五月  
紹赴太原

謂其妻李氏曰

尊公舉兵今偕行則不可留此則及禍奈何李氏曰君

弟速行

弟與  
第同

我一婦人易以潛匿

易以  
鼓翻

當自為計紹遂

行李氏歸鄠縣別墅

隋志鄠縣屬京兆郡  
鄠音戶墅承與翻

散家資聚徒

衆淵從弟神通在長安

從才用翻  
下之從同

亡入鄠縣山中與長

安大俠史萬寶等起兵以應淵西域商胡何潘仁入司

竹園為盜

隋志京兆府蓋屋縣有司竹園

有衆數萬劫前尚書右丞李

綱為長史

長知兩翻

李氏使其奴馬三寶說潘仁

說翰芮翻

與之

就神通合勢攻鄆縣下之神通衆逾一萬自稱關中道

行軍總管以前樂城長令狐德棻為記室

考之隋志云信安郡有樂

城縣又河南郡樂壽縣舊曰樂城長知兩翻令力定翻棻扶分翻下同

德棻熙之子也

令狐

熙事宇文氏著勞績於西河

李氏又使馬三寶說羣盜李仲文向善

志丘師利等皆帥衆從之仲文密之從父師利和之子

也丘和以饋食為煬帝所寵西京留守屢遣將討潘仁

等皆為所敗敗補李氏徇整屋武功始平皆下之整屋音舟

室隋志始平縣屬京眾至七萬左親衛段綸文振之子

兆郡唐改曰興平

也娶淵女段文振見一百八十一卷大業八年考異曰唐太宗實錄云隱太子以琅邪長公主妻

之劉子玄唐高祖實錄及新唐書皆亦聚徒於藍田

云高密大長公主適段綸蓋改封志

藍田縣屬

京兆郡得萬餘人及淵濟河神通李氏綸各遣使迎

淵使疏吏淵以神通為光祿大夫子道彥為朝請大夫

綸為金紫光祿大夫隋散職光祿從一品金紫正使柴

三品朝請正五品朝直遙翻

紹將數百騎並南山迎李氏

將即亮翻騎奇寄翻並步浪翻自華山而南接盤屋

郭杜諸山皆長安南山也

何潘仁李仲文向善志及關中羣盜皆請

降於淵淵一一以書慰勞授官

降戶江翻勞力到翻下同

使各居其

所受敦煌公

敦煌門翻

世民節度刑部尚書領京兆內史衛

文昇年老

煬帝改京兆河南尹為內史

聞淵兵向長安憂懼成疾不

復預事

復扶又翻

獨左翊衛將軍陰世師京兆郡丞骨儀奉

代王侑乘城拒守己巳淵如蒲津庚午自臨晉濟渭

朝邑

古臨晉地

至永豐勞軍開倉賑飢民

賑津忍翻

辛未還長春宮士

申進屯馮翊

隋志馮翊縣帶郡

世民所至吏民及羣盜歸之如

流世民收其豪俊以備僚屬營于涇陽

涇陽縣屬京兆郡

勝兵

九萬

勝音升下同

李氏將精兵萬餘會世民於渭北與柴紹

各置幕府號娘子軍先是平涼奴賊數萬圍扶風太守

竇璡

帝改原州為平涼郡岐州為扶風郡先悉薦翻守式又翻璡將鄰翻

數月不下賊中

食盡丘師利遣其弟行恭帥五百人負米麥持牛酒詣

奴賊營

帥讀曰率

奴帥長揖行恭手斬之

帥所類翻

謂其衆曰汝

輩皆良人何故事奴為主使天下謂之奴賊衆皆俯伏

曰願改事公行恭即帥其衆與師利共謁世民於渭北

帥讀曰率下同

世民以為光祿大夫璉琮之從子也

從才用翻

隰城

尉房玄齡謁世民於軍門

考異曰舊唐書玄齡傳云溫彥博又薦焉按彥博時在

羅藝所今不取

世民一見如舊識署記室參軍引為謀主玄齡

亦自以為遇知己罄竭心力知無不為淵命劉弘基殷

開山分兵西畧扶風有衆六萬南渡渭水屯長安故城

考異曰創業注云燉煌公自涇陽趨司竹留弘基開山屯長安故城今從唐書弘基傳

城中出戰

弘基逆擊破之世民引兵趣司竹李仲文何潘仁向善

志皆帥衆從之頓于阿城

趣七喻翻帥讀曰率阿城即秦阿房宮城

勝兵十

三萬軍令嚴整秋毫不犯乙亥世民自整屋遣使白淵

請期日赴長安淵曰屈突東行不能復西不足虞矣

屈居

勿翻復扶又翻

乃命建成選倉上精兵自新豐趣長樂宮

新豐縣屬

京兆郡長樂宮故漢宮也樂音洛

世民帥新附諸軍北屯長安故城

自整

屋趣長安故謂之北

至並聽教

並至所期之地聽教令

延安上郡雕陰皆請

降於淵丙子淵引軍西行

自馮翊西行降戶江翻

所過離宮園苑

皆罷之出宮女還其親屬冬十月辛巳淵至長安營於



春明門之西北

春明門長安城東面三門之中門也

諸軍皆集合二十餘

萬淵命各依壁壘毋得入村落侵暴屢遣使至城下諭

魏文昇等以欲尊隋之意不報辛卯命諸軍進圍城甲

午淵遷館於安興坊

安興坊蓋在安興門外雍錄長安城東面三門通化春明安興帥讀

曰率已陵校尉鄱陽董景珍雷世猛旅帥鄭文秀許玄

徹萬瓚徐德基郭華沔陽張繡等謀據郡叛隋

隋志已陵郡梁

置巴州平陳改曰岳州大業初改曰羅州尋改為郡煬帝改大都督為校尉帥都督為旅帥沔陽郡後置復州大業初改曰沔州尋改為郡校戶教翻帥所類翻下同瓚藏旱翻沔彌充翻

推景珍為主景

珍曰吾素寒賤不為衆所服羅川令蕭銑梁室之後

隋按

書帝紀羅川縣即巴陵郡之羅縣銑梁宣帝曾孫巖之孫寬仁大度請奉之以從衆

望乃遣使報銑

使疏吏翻

銑喜從之聲言討賊召募得數千

人銑巖之孫也

蕭巖奔陳見開皇八年見殺見九年

會潁川賊帥沈柳生

寇羅川

煬帝改許州為潁川郡

銑與戰不利因謂其衆曰今天下

皆叛隋政不行巴陵豪傑起兵欲奉吾為主若從其請

以號令江南可以中興梁祚以此名柳生亦當從吾矣

衆皆悅聽命乃自稱梁公改隋服色旗幟皆如梁舊柳

生即帥衆歸之以柳生為車騎大將軍起兵五日遠近

歸附者至數萬人遂帥衆向巴陵景珍遣徐德基帥郡

中豪傑數百人出迎

幟昌志翻帥讀曰率騎奇寄翻

未及見銑柳生與

其黨謀曰我先奉梁公勲居第一今巴陵諸將皆位高

兵多我若入城返出其下不如殺德基質其首領

將即亮翻

質音致獨挾梁公進取郡城則無出我右者矣遂殺德基

入白銑銑大驚曰今欲撥亂反正忽自相殺吾不能為

若主矣因步出軍門柳生大懼伏地請罪銑責而赦之

陳兵入城景珍言於銑曰徐德基建義功臣而柳生無  
故擅殺之此而不誅何以為政且柳生為盜日久今雖  
從義凶悖不移

悖蒲妹翻  
又蒲沒翻

共處一城

處昌  
呂翻

勢必為變失

今不取後悔無及銑又從之景珍收柳生斬之其徒皆

潰去丙申銑築壇燔燎自稱梁王改元鳴鳳 壬寅王

世充夜度洛水營於黑石明日分兵守營自將精兵陳

於洛北李密聞之引兵度洛逆戰密兵大敗柴孝和溺

死密帥麾下精騎度洛南

將即亮翻陳讀  
曰陣帥讀曰率

餘衆東走月

城

月城蓋臨洛水築偃月城與倉城相應

世充追圍之密自洛南策馬直

趣黑石

趣七喻翻

營中懼連舉六烽世充釋月城之圍狼狽

自救密還與戰大破之斬首三千餘級甲辰李淵命

諸軍攻城約毋得犯七廟及代王宗室違者夷三族孫

華中流矢卒

中竹仲翻

十一月丙辰軍頭雷永吉先登

異曰考

唐高祖實錄作雷

紹今從創業注遂克長安代王在東宮左右奔散唯

侍讀姚思廉侍側軍士將登殿思廉厲聲訶之曰唐公

舉義兵匡帝室卿等毋得無禮衆皆愕然布立庭下

訶虎

何翻愕  
五各翻

淵迎王於東宮遷居大興殿後

大興殿隋宮正殿也未即尊位

故居

聽思廉扶王至順陽閣下泣拜而去思廉察之子

也

姚察事陳以文義稱

淵還舍於長樂宮

樂音洛

與民約法十二條

悉除隋苛禁淵之起兵也留守官發其墳墓毀其五廟

隋制諸公立五廟

至是衛文昇已卒戊午執陰世師骨儀等數

以貪婪苛酷且拒義師俱斬之

卒子恆翻數所具翻又所主翻按隋書稱陰世

師少有節槩性忠厚多武藝骨儀性剛鯁有不可奪之志于時朝政浸亂濁貨公行天下士大夫莫不變節儀獨厲志守常介然獨立如此則皆隋之良也唐公特以其發墳墓毀家廟拒守不下而誅之數以貪婪苛酷非

其罪也觀通鑑所書可為微而顯矣樊虛舍翻考異  
曰隋書北史衛玄傳皆曰城陷歸于家義寧中卒按文

昇與二人俱為留守官不容獨免今從唐本紀死者十餘人餘無所問馬邑郡

丞三原李靖素與淵有隙隋志三原縣屬京兆郡煬帝改朔州為馬邑郡考異曰

柳芳唐歷及唐書靖傳云高祖擊突厥於塞外靖察高祖知有四方之志因自鎖上變將詣江都至長安道塞

不通而止按太宗謀起兵高祖尚未知知之猶不從當擊突厥之時未有異志靖何從察知之又上變當乘驛

取疾何為自鎖也今依靖行狀云昔在隋朝曾經忤旨及茲城陷高祖追責舊言公忼慨直論特蒙宥釋但行

狀題云魏徵撰非也按徵以貞觀十七年卒靖三十三年乃卒蓋後人為之託徵名又叙靖事極怪誕無取唯

此可為淵入城將斬之靖大呼曰呼大公興義兵欲平據耳故翻

暴亂乃以私怨殺壯士乎世民為之固請

為于偽翻

乃捨之

世民因召置幕府靖少負志氣有文武才畧其舅韓擒

虎每撫之曰可與言將帥之畧者獨此子耳

少詩照翻將即亮翻

帥所類翻

王世充自洛北之敗堅壁不出越王侗遣使勞

之侗他紅翻又音同使疏吏翻勞力到翻

世充慙懼請戰於密丙辰世充

與密夾石子河而陳密布陳南北十餘里

陳讀曰陣

翟讓先

與世充戰不利而退世充逐之王伯當裴仁基從旁橫

斷其後密勒中軍擊之世充大敗西走

考異曰前已有丙辰戊午欲



各叙西京東都事使不相亂故重出按通鑑下文書戊午殺翟讓考異於此兼言之

翟讓司馬王

儒信勸讓自為大冢宰總領眾務以奪密權讓不從讓

兄柱國榮陽公弘

考異曰河洛記作洪今從蒲山公傳

粗愚人也謂讓曰

天子汝當自為奈何與人汝不為者我當為之讓但大

笑不以為意密聞而惡之

惡乃路翻

總管崔世樞自鄆陵初

附於密

鄆陵縣隋屬潁川郡鄆謁晚翻又於建翻又音偃

讓囚之私府責其貨

世樞營求未辦遽欲加刑讓召元帥府記室邢義期博

逡巡未就杖之八十

帥所類翻逡七旬翻

讓謂左長史房彥藻曰

君前破汝南

長知兩翻煬帝改蔡州為汝南郡

大得寶貨獨與魏公全

不與我魏公我之所立事未可知彥藻懼以狀告密因

與左司馬鄭頊共說密曰讓貪愎不仁

頊他鼎翻說式芮翻愎符逼翻

有無君之心宜早圖之密曰今安危未定遽相誅殺何

以示遠頊曰毒蛇螫手壯士解腕

螫音釋腕烏貫翻

所全者大

故也彼先得志悔無所及密乃從之置酒召讓戊午讓

與兄弘及兄子司徒府長史庠庠同詣密密與讓弘裴

仁基郝孝德共坐單雄信等皆立侍

長知兩翻郝呼各翻單慈淺翻考

異曰河洛記云密讓讓兄子摩侯  
王儒信同榻而坐今從蒲山公傳

房彥藻鄭顥往來檢

校密曰今日與達官飲不須多人

達官猶言顯官也

左右止留

給使而已密左右皆引去讓左右猶在彥藻白密曰今

方為樂

樂音洛

天時甚寒司徒左右請給酒食密曰聽司

徒進止讓曰甚佳乃引讓左右盡出獨密下壯士蔡建

德持刀立侍食未進密出良弓與讓習射讓方引滿建

德自後斫之踣於牀前

踣蒲北翻

聲若牛吼并弘摩侯儒信

皆殺之徐世勣走出門者斫之傷頸王伯當遙訶止之

單雄信叩頭請命密釋之左右驚擾莫知所為密大言

曰與君等同起義兵本除暴亂司徒專行暴虐陵辱羣

僚無復上下今所誅止其一家諸君無預也命扶徐世

勣置幕下親為傅瘡

為于偽翻

讓麾下欲散密使單雄信前

往宣慰密尋獨騎入其營

獨騎猶言單騎也騎奇奇翻

歷加撫諭令

世勣雄信伯當分領其衆中外遂定讓殘忍摩侯猜忌

儒信貪縱故死之日所部無哀之者然密之將佐始有

自疑之心矣始王世充知讓與密必不久睦冀其相圖

得從而乘之及聞讓死大失望歎曰李密天資明決為

龍為蛇固不可測也 壬戌李淵備灋駕迎代王即皇

帝位於天興殿

天興殿當作大興殿

時年十三大赦改元

改元義寧

遙

尊煬帝為太上皇甲子淵自長樂宮入長安以淵為假

黃鉞使持節大都督內外諸軍事尚書令大丞相進封

唐王

樂音洛使疏吏翻令力定翻相息亮翻

以武德殿為丞相府改教稱

今日於虔化門視事

虔化門在大興殿前東偏

乙丑榆林靈武平涼

安定諸郡皆遣使請命

使疏吏翻

丙寅詔軍國機務事無大

小文武設官位無貴賤憲章賞罰咸歸相府唯郊祀天

地四時禘祫奏聞

祫戶夾翻

置丞相府官屬

考異曰唐帝紀在十二月癸

未今從創業注

以裴寂為長史劉文靜為司馬何潘仁使李綱

入見

長知兩翻見賢遍翻

淵留之以為丞相府司錄

錄者總錄一府之事隋自

文帝受禪後不復有丞相府亦無官屬唐公輔政位絕羣后凡官屬皆復特置之

專掌選事

選宣

繼翻又以前考功郎中竇威為司錄參軍使定禮儀威熾

之子也

竇熾隋初三公

淵傾府庫以賜勲人國用不足右光祿

大夫劉世龍獻策

隋散職左右光祿從二品

以為今義師數萬並在

京師樵蘇貴而布帛賤請伐六街及苑中樹為樵

長安城中

六街苑城包漢故都抵渭水

以易布帛可得數十萬匹淵從之已已

以李建成為唐世子李世民為京兆尹秦公李元吉為

齊公 河南諸郡盡附李密唯滎陽太守郇王慶梁郡

太守楊汪尚為隋守

慶河間王弘之子弘高祖從祖弟也煬帝改宋州為梁郡郇音荀為

于偽翻下同

密以書招慶為陳利害且曰王之家世本住山

東本姓郭氏乃非楊族芝焚蕙歎事不同此初慶祖父元孫早孤隨母郭氏養於舅族及武元帝從周文起兵

關中

楊忠諡武元皇帝

元孫在鄴恐為高氏所誅

北齊高氏

冒姓郭

氏故密云然慶得書惶恐即以郡降密

降戶江翻下同

復姓郭

氏十二月癸未追諡唐王淵大父襄公為景王考仁

公為元王夫人竇氏為穆妃

襄公虎仁公昞竇氏毅之女是為太穆皇后諡神至

翻

薛舉遣其子仁果寇扶風唐弼據汧源拒之

汧源縣隋

屬扶風郡汧古堅翻

舉遣使招弼弼乃殺李弘芝請降於舉

唐弼立李

弘芝見一百八十二卷大業十年使疏吏翻降戶江翻

仁果乘其無備襲破之悉

并其衆弼以數百騎走詣扶風請降扶風太守竇璡殺



之舉勢益張

守式又翻  
張知亮翻

衆號三十萬謀取長安聞丞相

淵已定長安遂圍扶風淵使李世民將兵擊之

將即亮翻

又

使姜謩竇軌俱出散關

大散關在扶風郡陳倉縣西南散悉亶翻

安撫隴右

左光祿大夫李孝恭招慰山南府戶曹張道源招慰山

東

道源丞相府戶曹也

孝恭淵之從父兄子也

從才用翻

癸巳世民擊

薛仁果於扶風大破之追奔至隴坻而還

坻丁禮翻又丁計翻還從

宣翻又如字

薛舉大懼問其羣臣曰自古天子有降事乎黃

門侍郎錢唐褚亮曰

隋志錢唐縣屬餘杭郡降戶江翻下同

趙佗歸漢

事見

漢高祖文帝紀佗徒何翻

劉禪仕晉

事見魏紀晉紀

近世蕭琮至今猶貴

謂蕭

氏子弟也轉禍為福自古有之衛尉卿郝瑗趨進曰陛下失

問褚亮之言又何悖也

郝呼各翻瑗于春翻悖蒲妹翻

昔漢高祖屢經

奔敗

見本紀

蜀先主亟亡妻子

見漢獻帝紀亟去吏翻

卒成大業

卒子

恤翻陛下奈何以一戰不利遽為亡國之計乎舉亦悔之

曰聊以此試君等耳乃厚賞瑗引為謀主 乙未平涼

留守張隆丁酉河池太守蕭瑀及扶風漢陽郡相繼來

降

煬帝改成州為漢陽郡武都仇池之地也守式又翻

降戶江翻以竇璡為工部尚書

燕國公

雄則隣翻  
燕因有翻

蕭瑀為禮部尚書宋國公

瑀音

姜

暮實軌進至長道

元魏分上祿置長道縣隋屬漢陽郡

為薛舉所敗引還

敗補邁

翻

淵使通議大夫醴泉劉世讓安集唐弼餘黨

還從宣

翻

通議大夫隋散職從四品隋志醴泉縣屬京兆郡後魏之寧夷縣開皇十八年改名

與舉相遇戰

敗為舉所虜

李孝恭擊破朱粲諸將請盡殺其俘

將

亮孝恭曰不可自是以往誰復肯降矣

復扶又翻

於是自金

川出巴蜀檄書所至降附者三十餘州

隋志金川縣帶西城郡漢西城

縣地梁初曰上廉後曰吉陽西魏改曰吉安後周以西城入焉大業三年改曰金川以其地產金也自金川出

巴中自巴中則至蜀矣

屈突通與劉文靜相持月餘通復使桑

顯和夜襲其營

屈居勿翻復扶又翻

文靜與左光祿大夫段志玄

悉力苦戰顯和敗走盡俘其衆通勢益蹙或說通降通

泣曰吾歷事兩主

兩主謂文帝煬帝說式芮翻降戶江翻下同

恩顧甚厚食

人之祿而違其難

難乃旦翻

吾不為也每自摩其頸曰要當

為國家受一刀勞勉將士未嘗不流涕

為于偽翻勞力到翻將即亮翻

人亦以此懷之丞相淵遣其家僮召之通立斬之及聞

長安不守家屬悉為淵所虜乃留顯和鎮潼關引兵東

出將趣洛陽

趣七喻翻  
又逡須翻

通適去顯和即以城降文靜

降戶

江文靜遣竇琮等將輕騎與顯和追之及於稠桑

號州湖城

縣有稠桑驛琮徂宗翻將即亮  
翻又音如字領也騎奇寄翻

通結陳自固

陳讀曰陣

竇琮

遣通子壽往諭之通罵曰此賊何來昔與汝為父子今

與汝為仇讎命左右射之

射而亦翻

顯和謂其衆曰今京城

已陷汝輩皆關中人去欲何之衆皆釋仗而降通知不

免下馬東南向再拜號泣曰

號戶翻

臣力屈至此非敢負

國天地神祇實知之

祇具文翻

軍人執通送長安

考異曰革命記高

祖令諸將擊通通走出潼關仍令通子壽隨軍喚父至稠桑追及之壽告通云天下今既喪亡相王舉義兵平定禍亂大人須轉禍為福以自保全單馬輕身將欲何往通叱壽云此賊何由可耐引弓射之壽招喚通兵士並悉放仗來降壽乃馳走抱通請大人屈節歸義通遂回首東南向泣號哭口稱至尊臣力屈以至於此非臣敢虧名節違背國恩然始收淚赴軍以見唐王今從唐書唐裴矩傳屈突通敗問至江都煬帝問矩方畧矩曰太原有變京畿不靜遙為處分恐失事機唯鑒與早還方可平定接隋失天下皆因矩諂諛所致豈敢輒勸帝西還蓋矩經事唐朝其子孫及史官附益此語欲蓋其惡耳今所不取

賜爵蔣公

蔣古國名

兼秦公元帥府長史

長知兩翻

淵遣通至河

東城下招諭堯君素君素見通歔歔不自勝

歔音虛歔音希又許

既翻勝  
音升

通亦泣下霑衿因謂君素曰吾軍已敗義旗所

指莫不響應事勢如此卿宜早降君素曰公為國大臣

主上委公以關中代王付公以社稷奈何負國生降乃

更為人作說客邪

降戶江翻為于偽翻  
說輸芮翻邪音耶

公所乘馬即代

王所賜也公何面目乘之哉通曰吁君素我力屈而來

君素曰方今力猶未屈何用多言通慙而退東都米

斗三錢人餓死者什二三庚子王世充軍士有亡降

李密者密問世充軍中何所為軍士曰比見益募兵再

饗將士不知其故

比毗至翻

密謂裴仁基曰吾幾落奴度中

幾居依翻

光祿知之乎吾久不出兵世充芻糧將竭求戰不

得故募兵饗士欲乘月晦以襲倉城耳宜速備之乃命

平原公郝孝德琅邪公王伯當齊郡公孟讓勒兵分屯

倉城之側以待之

郝呼各翻邪音耶

其夕三鼓世充兵果至伯

當先遇之與戰不利世充兵即陵城總管魯儒拒却之

伯當更收兵擊之世充大敗斬其驍將費青奴

驍堅堯翻將即

亮翻費扶沸翻

士卒戰溺死者千餘人世充屢與密戰不勝

考



異曰蒲山公傳云自洛北敗至此七十餘戰河越王侗洛記云四十餘戰再三失利今但云屢與密戰

遣使勞之

侗他紅翻使疏吏翻勞力到翻

世充訴以兵少數戰疲弊

詩少

治翻數所角翻

侗以兵七萬益之

劉文靜等引兵東畧地取

弘農郡遂定新安以西

隋志河南郡陝縣舊置弘農郡大業初置弘農宮別自有弘農

郡領弘農盧氏長泉朱陽等縣新安縣亦屬河南郡其地在陝東則取弘農郡併弘農宮取之矣

甲

辰李淵遣雲陽令詹俊武功縣正李仲袞徇巴蜀下之

隋志雲陽武功二縣皆屬京兆郡煬帝改縣尉為縣正詹姓也周有詹父楚有詹尹

考異曰創業注十一月

甲子遣使慰諭巴蜀實錄在十二月甲辰唐歷在十二月丙午未知創業注所云者即俊等邪為別使也今從

實錄

乙巳方與賊帥張善安襲陷廬江郡

隋志方與郡屬彭城郡煬

帝改廬州為廬江郡方與音房豫帥所類翻

因度江歸林士弘於豫章士弘

疑之營於南塘上

煬帝改洪州為豫章郡水經注南昌縣南塘本通大江漢永元中太守張

躬築塘以通南路大江南江也

善安恨之襲破士弘焚其郭郭而去士

弘徙居南康蕭銑遣其將蘇胡兒襲豫章克之

將即亮翻士

弘退保餘干

煬帝改虔州為南康郡餘干縣屬鄱陽郡

資治通鑑卷一百八十四